

收

在121
673
部大:69



文獻通考卷第一百六十六



鄱陽馬端臨貴與著

封建考七

西漢王子侯

高祖兄及兄子侯者三人

頡羹侯信帝兄子七年封立十三年有罪削爵一級爲關內侯

合陽侯喜帝兄爲代王匈奴攻代棄國廢爲侯六年封七年薨 溲後封吳王

德哀侯廣帝兄子十二年封 通 齧 何坐耐金免

楚元王子侯者六人

郢客禮二人嗣封王已見前

休侯富景帝時封 登 嘉 章亡後國除

沈猷侯歲景帝時封 受坐為宗正有罪免

宛胸侯執景帝時封三年反誅

棘樂侯調景帝時封 應 慶坐耐金免

齊悼惠王子侯者十二人

章興居將間辟光志印賢雄渠八人封王見前

管共侯罷軍罷音皮 孝文時封 戎奴坐反誅

氏邱侯甯國孝文時封 偃坐反誅

營平侯信都孝文時封 廣坐反誅

楊邱侯安孝文時封 偃坐出國界削為司寇

淮南厲王子侯者四人

安敦賜三人後為王見前

東城侯良孝文時封無子國除

梁孝王子侯者二人

乘氏侯買 桓邑侯明俱景帝時封後為王見前

河間獻王子侯者十六人

旁光侯殷武帝時封坐罪免

茲侯明武帝時封坐殺人自殺國除

距陽侯句武帝時封 婁坐耐金免

婁侯退武帝時封 嬰 益壽 充世 遺亡後國除

阿武侯豫武帝時封 宣 信 嬰齊 黃 長久王

莽時絕

參戶侯免武帝時封 嚴 元 利親 度

州鄉侯禁武帝時封 齊 惠 商 伯 禹王莽時

絕

平成侯禮武帝時封坐罪免

廣侯順武帝時封坐酎金免

蓋侯讓武帝時封坐酎金免

重侯檐武帝時封坐罪免

沈陽侯自為不得封年

景成侯雍宣帝時封 歐 禹 福

平隄侯昭宣帝時封 榮 曾世 育 廼始

樂鄉侯終宣帝時封 蒯 鄧 勝 地緒

高郭侯曠宣帝時封 久長 菲 稱 霸亡後

長沙定王子侯者凡十五人

安城侯蒼武帝時封 自當 壽光坐罪廢

宜春侯成武帝時封坐酎金免

句容侯黨武帝時封亡後

容陵侯福武帝時封坐酎金免

路陵侯童武帝時封坐殺人自殺

攸輿侯則武帝時封坐篡死罪囚棄市

茶陵侯訢武帝時封 湯亡後

建成侯拾武帝時封坐罪免

安衆侯丹武帝時封 山柎 毋妨 褒 欵 崇王

莽時舉兵爲莽所害

寵建武二年紹封 松

葉平侯喜武帝時封坐酎金免

夫夷侯義武帝時封 禹 奉宗 慶 福 商王莽

時絕

舂陵侯買武帝時封 熊渠 仁 敞 祉建武二年

立爲城陽王

都梁侯定武帝時封 傒 弘 順懷 容 佗人王

莽時絕

洮陽侯狩燕武帝時封亡後

衆陵侯賢武帝時封 真定 慶 骨王莽時絕

楚安王子侯者凡二人

浮邱侯不害武帝時封坐酎金免

杏山侯成武帝時封坐酎金免

魯共王子侯者凡六人

廣戚侯將武帝時封坐酎金免

寧陽侯恬武帝時封 慶忌 信 扈 方

瑕邱侯政武帝時封 國 湯 奉義 遂成 禹

公邱侯順武帝時封 置 延壽 賞 元王莽時絕

郁根侯驕武帝時封坐酎金免

西昌侯敬武帝時封坐酎金免

江都易王子侯者凡五人

丹陽侯敢武帝時封亡後

盱眙侯蒙之武帝時封坐酎金免

胡孰侯胥行武帝時封 聖犯罪免

秣陵侯纏武帝時封亡後

淮陵侯定國武帝時封坐酎金免

梁共王子侯者凡一人

張梁侯仁武帝時封 順為匈奴所殺

菑川懿王子侯者凡十三人

龍邱侯代武帝時封坐酎金免

劇原侯錯武帝時封 廣昌 貴 吉囂 勝容

懷昌侯高遂武帝時封 延年 勝時 可置

平望侯賞武帝時封 楚人 光 起 始 旦

臨衆侯始昌武帝時封 革生 廣平 農 理 賢

商王莽時絕

葛魁侯寬武帝時封 戚坐縛家吏恐獨受賂棄市

益都侯胡武帝時封 廣 嘉坐非廣子免

平的侯强武帝時封 中時 福 鼻 利親 宣

劇魁侯黑武帝時封 招 德 利親 嬰 向

壽梁侯守武帝時封坐酎金免

平度侯行武帝時封 慶忌 帥軍 欽 宗 嘉

宜城侯偃武帝時封 福坐殺弟棄市

臨胸侯奴武帝時封 乘 質 信 禕 岑

城陽共王子侯者凡十三人

雷侯豨武帝時封坐酎金免

東莞侯吉武帝時封坐病不任朝免

辟土侯壯武帝時封 明坐酎金免

利鄉侯嬰武帝時封有罪免

有利侯釘武帝時封坐罪誅

東平侯慶武帝時封坐姦廢

運平侯記武帝時封坐酎金免

山州侯齒武帝時封坐酎金免

海常侯福武帝時封坐酎金免

騶邱侯寬武帝時封 報德 母害坐罪誅

南城侯貞武帝時封 猛 尊 充國 遂 友王莽

時絕

廣陵侯裘武帝時封 成坐酎金免

杜原侯臯武帝時封坐酎金免

趙敬肅王子侯者凡二十四人

尉侯丙武帝時封 犢坐酎金免

封斯侯胡傷武帝時封 如意 宮 仁

榆邱侯受福武帝時封坐酎金免

襄侯建武帝時封坐酎金免

邯鄲侯仁武帝時封 慧 賀 張 康 重 蒼

朝節侯義武帝時封 祿 固城坐酎金免

東城侯遺武帝時封為妾所殺亡後

陰城侯蒼武帝時封嗣子有罪不得立

邯平侯順武帝時封坐酎金免

武始侯昌武帝時封三十四年嗣為趙王

為氏侯賀武帝時封 安意 千秋 漢強 鄠

易安侯平武帝時封 種 德坐殺人免

柏暢侯終古武帝時封 朱亡後

歆安侯延年武帝時封坐酎金免

漳北侯寬武帝時封為匈奴所殺

南巒侯佗武帝時封坐酎金免

南陵侯慶武帝時封坐為沛郡太守有罪下獄死

鄱侯舟武帝時封坐祝詛誅

安檀侯福武帝時封坐為常山太守祝詛死

爰戚侯當武帝時封坐謀反自殺

栗節侯樂武帝時封 忠 終根 况

浚夷侯周舍武帝時封 惠 廼始 勲 承

獠侯起武帝時封 充國 廣明 固 鉅鹿

抑裴侯道武帝時封 尊 章 景 發

中山靖王子侯者凡二十人

廣望侯忠武帝時封 中 何齊 遂 閣

將梁侯朝平武帝時封坐酎金免

薪館侯未央武帝時封坐酎金免

陸城侯貞武帝時封坐酎金免

薪處侯嘉武帝時封坐酎金免

陸城侯義武帝時封坐酎金免

臨樂侯光武帝時封 建 固 萬年 廣都王莽時

絕

東野侯章武帝時封 中時亡後

高平侯喜武帝時封坐酎金免

廣川侯頗武帝時封坐酎金免

東邱侯將夜武帝時封 德 外人坐罪死

乾隆十二年校刊

文獻通考卷三百六十七 封建七

高邱侯破胡武帝時封亡後

柳宿侯蓋武帝時封 蘇坐酎金免

戎邱侯讓武帝時封坐酎金免

樊輿侯修武帝時封 過倫 異衆 土生 自子王

莽時絕

曲成侯萬歲武帝時封坐酎金免

安郭侯傳富武帝時封 偃 崇坐罪死

安儉侯應武帝時封坐酎金免

安道侯恢武帝時封坐酎金免

澎侯屈釐武帝時封爲丞相坐祝詛要斬

廣川惠王子侯者六人

浦領侯嘉武帝時封有罪絕

西熊侯明武帝時封亡後

棗強侯晏武帝時封亡後

畢梁侯嬰武帝時封坐罪免

參駸侯則武帝時封坐酎金免

沂陵侯喜武帝時封坐酎金免

濟北貞王子侯者六人

陰安侯不害武帝時封 秦客亡後

營關侯騫武帝時封坐罪免

庸望侯何武帝時封 當時坐酎金免

陪侯則武帝時封 邑

前侯信武帝時封坐酎金免

安陽侯樂武帝時封 延年 記 戚 得亡後

濟北式王子侯者五人

五據侯曜邱武帝時封坐酎金免

富侯龍武帝時封坐罪免

平侯遂武帝時封坐罪免

羽康侯成武帝時封 係 棄王莽時絕

胡母侯楚武帝時封坐酎金免

代共王子侯者凡九人

離石侯綰武帝時封坐罪免

邵侯順武帝時封坐殺人免

利昌侯嘉武帝時封 樂 萬世 光祿 殷 煥王

莽時絕

藺侯罷軍武帝時封坐罪免

臨河侯賢武帝時封坐酎金免

温成侯忠武帝時封亡後

土軍侯郢武帝時封坐酎金免

臯琅侯遷武帝時封亡後

千章侯遇武帝時封坐酎金免

齊孝王子侯者十一人

博陽侯就武帝時封 終古坐酎金免

陂陽侯燕武帝時封 偃 壽 定 閔 廣王莽時

絕

定侯越武帝時封 德 福 湯 乘王莽時絕

稻侯定武帝時封 陽都 咸 閔 永王莽時絕

山原侯國武帝時封 棄 守 發 外人

繁安侯忠武帝時封 守 壽漢 嘉 光 起

柳侯陽已武帝時封 罷師 自為 構 軻 守

雲侯信武帝時封 茂發 遂 終古 得之王莽時

絕

牟平侯濞武帝時封 奴 更生 建 齒 威 隆

王莽時絕

柴侯代武帝時封 勝之 賢 齊 莫如亡後

高樂康侯史失其名武帝時封亡後

衡山賜王子侯者一人

終弋侯廣置武帝時封坐酎金免

城陽頃王子侯者二十人

麥侯昌武帝時封坐酎金免

鉅合侯發武帝時封坐酎金免

昌侯羗武帝時封坐酎金免

蕢侯方武帝時封坐酎金免

虜葭侯澤武帝時封 舞 閣

原洛侯敢武帝時封坐殺人棄市

挾術侯昆景武帝時封亡後

挾侯霸武帝時封 戚 賢 思 衆亡後

勃侯讓武帝時封 興

文成侯光武帝時封坐酎金免

按清侯雲武帝時封坐酎金免

庸侯餘武帝時封有罪死

翟侯壽武帝時封坐酎金免

鱣侯應武帝時封坐酎金免

彭侯强武帝時封坐酎金免

軻侯息武帝時封 守

虛水侯禹武帝時封 爵 敝王莽時絕

東淮侯類武帝時封坐酎金免

拘侯賢武帝時封坐酎金免

清侯不疑武帝時封坐酎金免

菑川靖王子侯者四人

陸侯何武帝時封 賈 延壽 坐罪死

廣饒侯國武帝時封 坊 麟

餅侯成武帝時封 龍 融 閔王莽時絕

俞閭侯母害武帝時封 况 璘亡後

廣川繆王子侯者九人

甘井侯光武帝時封坐殺人棄市

襄隄侯聖武帝時封坐酎金斤八兩少四兩免

新市侯吉昭帝時封 義 欽

東襄侯寬宣帝時封 使親亡後

樂信侯強宣帝時封 何 賀 涉

昌成侯元宣帝時封 齒 應 江亡後

歷鄉侯必勝宣帝時封 長壽 宮 東之

武陶侯朝宣帝時封 弘 勳 京

桃侯良元帝時封 敞 狗

膠東康王子侯者三人

臯虞侯建武帝時封 定 哀 勳 顯 樂王莽時

絕

魏其侯昌武帝時封 傅光 禹 蟠 嘉王莽時絕

祝茲侯延年武帝時封坐棄印綬出國免

六安共王子侯者一人

乾隆十二年校刊

建七

七

松茲侯霸昭帝時封 始 緹 均王莽時絕

膠東哀王子侯者一人

溫水侯安國昭帝時封坐上書妖言免

魯安王子侯者三人

蘭旗侯臨朝昭帝時封 去疾 嘉 位

容邱侯方山昭帝時封 未央 昭

良成侯文德昭帝時封 舜 原 元 閔

清河剛王子侯者七人

蒲領侯祿昭帝時封 推 不識 京

南曲侯遷昭帝時封 江 尊

修市侯寅宣帝時封 千秋 元 雲

東昌侯成宣帝時封 親 霸 祖

新鄉侯豹宣帝時封 步可 尊

修故侯福宣帝時封坐匿羣盜棄市

東陽侯弘宣帝時封 縱 迺始 封親 伯造

長沙頃王子侯者四人

高城侯梁昭帝時封 景 諸士 馮

復陽侯延年宣帝時封 漢 道

鍾武侯度宣帝時封 宣 霸 則

高城侯梁宣帝時封 景 諸士 馮

中山康王子侯者二人

成侯喜昭帝時封 得疵 備 貴

宣處侯章宣帝時封 衆

城陽慧王子侯者二人

江陽侯仁昭帝時封坐罪免

高鄉侯休宣帝時封 興 革如

廣陵厲王子侯者三人

朝陽侯聖宣帝時封 廣德 安闕

平曲侯曾宣帝時封 臨 農

南利侯昌宣帝時封坐賊殺人免

燕刺王子侯者二人

安定侯賢宣帝時封 延年 昱

新昌侯慶宣帝時封 稱 未央

趙頃王子侯者四人

邯鄲侯偃宣帝時封 勝 度 定

樂陽侯說宣帝時封 宗 崇 鎮

桑中侯廣漢宣帝時封 縱 敬 侯舜

張侯嵩宣帝時封坐罪廢

膠東戴王子侯者四人

樂望侯光宣帝時封 林 起

成康侯饒宣帝時封 新

柳泉侯强宣帝時封 建 萬年 永昌

新利侯偃宣帝時封坐罪免

六安夷王子侯者一人

宣陽侯賜宣帝時封坐罪免

平干頃王子侯者九人

曲梁侯敬宣帝時封 時光 瓠辯

廣鄉侯明宣帝時封 安 周齊 充國

成鄉侯慶宣帝時封 霸 果

平利侯世宣帝時封 嘉 禹 旦

平陽侯壬宣帝時封 成 陽

平纂侯梁宣帝時封亡後

成陵侯充宣帝時封坐罪免

陽成侯田宣帝時封 賢 說 報

祚陽侯仁宣帝時封坐罪免

真定列王子侯者一人

遠鄉侯宣宣帝時封亡後

廣川戴王子侯者一人

西梁侯闢兵宣帝時封 廣 宮 敞

河間孝王子侯者六人

乾隆十二年校刊

文獻通考卷之六十七 封建七

七

陽興侯昌宣帝時封坐罪誅

廣昌侯賀成帝時封

都安侯普成帝時封 胥

樂平侯永成帝時封

宜禾侯得哀帝時封 恢

富春侯元哀帝時封

中山頃王子侯者一人

和陽侯安宣帝時封 遂 固

魯孝王子侯者八人

昌盧侯弘宣帝時封 奉世 蓋

平邑侯敞宣帝時封坐殺人棄市

山鄉侯綰宣帝時封 邱

建陵侯遂宣帝時封 魯 連文

合陽侯平宣帝時封 安上

東安侯强宣帝時封 拔

承鄉侯當宣帝時封坐罪免

建陽侯咸宣帝時封 霸 並

城陽荒王子侯者十四人

茲鄉侯弘宣帝時封 昌 應 宇

籍鄉侯顯宣帝時封坐罪免

都平侯邱宣帝時封 訢 堪

棗原侯山宣帝時封 芻 妄得

箕侯文宣帝時封 隣 褒

高廣侯勲宣帝時封 賀 福 吳

卽來侯佼宣帝時封 欽

庸釐侯談元帝時封 端坐罪免

昆山侯光元帝時封 儀

折泉侯根元帝時封 詡

博石侯淵元帝時封 獲

要安侯勝元帝時封 守

房山侯勇元帝時封

式侯憲元帝時封 霸 萌

高密哀王子侯者一人

膠鄉侯漢元帝時封 成

長沙孝王子侯者三人

安平侯習元帝時封 嘉

陽山侯宗元帝時封 買奴

湘鄉侯昌哀帝時封

廣陽頃王子侯者四人

臨鄉侯雲元帝時封 交

西鄉侯容元帝時封 景

陽鄉侯發元帝時封 慶

益昌侯嬰元帝時封 政 福

膠東頃王子侯者十人

羊石侯回元帝時封 成 順

石鄉侯理元帝時封 建國

新城侯根元帝時封 霸

上鄉侯歙元帝時封

昌鄉侯憲元帝時封坐罪免

頃陽侯共成帝時封

樂陽侯獲成帝時封

平城侯邑成帝時封 珍 理

密鄉侯林成帝時封 欽 敞

樂都侯訢成帝時封 臨 延年

泗水勤王子侯者二人

于鄉侯定元帝時封 聖

就鄉侯璋元帝時封亡後

城陽戴王子侯者四人

石山侯元元帝時封 嘉

都陽侯音元帝時封 閔

乾隆十二年校刊

文獻通考卷之七 封建七

參封侯嗣元帝時封 殷

伊鄉侯遷元帝時封亡後

梁敬王子侯者十四人

貫鄉侯平元帝時封病狂自殺

樂侯義元帝時封坐罪免

中鄉侯延年元帝時封

鄭侯罷軍元帝時封 駿 良

黃侯順元帝時封 申亡後

平樂侯遷元帝時封 寶

菑鄉侯就元帝時封 逢喜

東鄉侯方元帝時封 護

陵鄉侯訢元帝時封坐罪免

深陽侯欽元帝時封 畢

釐鄉侯固元帝時封

高柴侯發元帝時封 賢 隱

臨都侯未央元帝時封 息

高侯舜元帝時封 始 便翁

菑川孝王子侯者四人

北鄉侯譚元帝時封

廣侯便元帝時封 護 宇

平侯服元帝時封 嘉

臺鄉侯畛元帝時封

廣陵孝王子侯者二人

蘭陵侯宜元帝時封 譚 便強

廣平侯德元帝時封

六安繆王子侯者一人

博鄉侯交元帝時封 就

趙哀王子侯者二人

栢鄉侯買元帝時封 雲 譚

安鄉侯喜元帝時封 胡 合衆

高密頃王子侯者六人

卑梁侯都成帝時封

膠東侯恁成帝時封

武鄉侯慶成帝時封 勁

成鄉侯安成帝時封 德

麗茲侯賜成帝時封 放

安邱侯常成帝時封

楚孝王子侯者二人

廣戚侯勲成帝時封 顯 嬰居攝元年為孺子王莽

篡位為定安公莽敗死

陰平侯回成帝時封 詩

淮陽憲王子侯者一人孫侯者三人

樂平侯訢成帝時封坐狂易免

外黃侯圍成帝時封

高陽侯並成帝時封

平陸侯寵成帝時封

魯頃王子侯者三人

鄆鄉侯閔成帝時封 延

建鄉侯康成帝時封 自當

新陽侯永成帝時封 級

東平思王子侯者五人孫侯者十七人

栗鄉侯護成帝時封 元成

桑邱侯頃成帝時封

桃鄉侯宣成帝時封 立

富陽侯萌成帝時封

西陽侯並成帝時封 偃

金鄉侯不害成帝時封

平通侯旦成帝時封

西安侯漢成帝時封

湖鄉侯開成帝時封

重鄉侯少伯成帝時封

陽興侯寄生成帝時封

陵陽侯嘉成帝時封

高樂侯修成帝時封

平邑侯閔成帝時封

平纂侯况成帝時封

合昌侯輔成帝時封

伊鄉侯開成帝時封

就鄉侯不害成帝時封

膠鄉侯武成帝時封

宜鄉侯恢成帝時封

昌城侯豐成帝時封

樂安侯禹成帝時封

膠東共王子侯者四人

陵石侯慶成帝時封

臨安侯閔成帝時封

徐鄉侯炂成帝時封王莽建國元年坐舉兵欲誅莽死
堂鄉侯恢成帝時封亡後

梁夷王子侯者一人

祁鄉侯賢成帝時封 富

梁荒王子侯者一人

曲鄉侯鳳成帝時封

城陽孝王子侯者一人

桃山侯欽成帝時封

泗水戾王子侯者一人

昌陽侯霸成帝時封

趙共王子侯者五人

安國侯吉成帝時封

梁鄉侯交成帝時封

襄鄉侯福成帝時封 章

容鄉侯强成帝時封 弘

緡鄉侯固成帝時封

廣陽思王子侯者三人

方鄉侯常得成帝時封

廣成侯是平帝時封

當陽侯益平帝時封

六安頃王子侯者一人

庸鄉侯宰成帝時封

河間惠王子侯者一人

南昌侯宇哀帝時封

乾隆十二年校刊

漢書卷之九十七 封建七

三

東平煬王子侯者七人

巖鄉侯信哀帝時封後坐罪免王莽時翟義舉兵立信
為天子兵敗死

武平侯璜哀帝時封坐罪免翟義舉兵敗死

陶鄉侯恢平帝時封

釐鄉侯褒平帝時封

昌鄉侯且平帝時封

新鄉侯鯁平帝時封

春城侯允平帝時封

容鄉侯楚思王子侯者十八人

陵鄉侯曾哀帝時封後坐舉兵欲誅王莽死

武受侯授哀帝時封坐罪免

郿鄉侯光平帝時封

新城侯武平帝時封

宜陵侯置平帝時封

堂鄉侯護平帝時封

成陵侯由平帝時封

成陽侯衆平帝時封

復昌侯休平帝時封

安陸侯平平帝時封

梧安侯譽平帝時封

朝鄉侯充平帝時封

扶鄉侯普平帝時封

呂鄉侯尚平帝時封

李鄉侯殷平帝時封

宛鄉侯隆平帝時封

壽泉侯承平帝時封

杏山侯遵平帝時封

廣陵繆王子侯者二人

方樂侯嘉哀帝時封

方城侯宣平帝時封

河間孝王子侯者二人

宜禾侯得哀帝時封

富春侯賢哀帝時封

長沙刺王子侯者二人

昭陽侯賞平帝時封

承陽侯景平帝時封

真定共王子侯者一人

信昌侯廣平帝時封

武帝元朔二年主父偃說上曰古者諸侯地不過百

里強弱之形易制今諸侯或連城數十地方千里緩則驕奢易爲淫亂急則阻其強而合從以逆京師今以法割削則逆節萌起前日鼂錯是也今諸侯子弟或十數而嫡嗣代立餘雖骨肉無尺地之封則仁孝之道不宣願陛下令諸侯得推恩分子弟以地侯之彼人人喜得所願上以德施實分其國必稍自銷弱矣於是上從其計乃制詔御史諸侯王或欲推私恩分子弟邑者令各條上朕且臨定其號名自是支庶畢侯矣

先公曰主父偃之說卽賈誼衆建諸侯之遺意也然衆建則自上令而行之爲儉爲吝推恩則本下情而行之爲恕爲仁且其事勢之難易德意之廣狹居然不同豈可以人廢言哉

班固表序曰孝元之世亡王子侯者盛衰終始豈非命哉元始之際王莽攝朝僞褒宗室侯及王之孫焉師古曰王之孫亦得封侯謂承鄉侯閔以下是也居攝而愈多非其正故弗錄旋踵亦絕悲矣

文獻通考卷第二百六十六

文獻通考卷第二百六十七

鄱陽馬端臨貴與著

封建考八

西漢功臣侯

平陽懿侯曹參以中涓從起沛至霸上侯以將軍入漢

以假左丞相定魏齊以右丞相侯萬六百戶師古日中涓親近之

臣涓潔也主窟奇時襄宗喜八世本始九世

宏建武初以舉曠兵佐軍紹封

信武肅侯靳歙以中涓從起宛胸入漢以騎都尉定三

秦擊項籍別定江漢侯五千三百戶以將軍攻豨布

亭坐事國人過律免師安漢六世復家孟康曰諸復家皆世世無所與得傳同產

子

汝陰文侯夏侯嬰以令史從降沛為太僕常奉車竟定

天下及全皇太子魯元公主侯六千九百戶 竈 賜

頗坐姦自殺信六世孫復家

清河定侯王吸以中涓從起豐至霸上為騎郎將人漢

以將軍擊項籍侯二千二百戶 疆 伉 不害 充

國元孫復家

陽陵景侯傅寬以舍人從起橫陽至霸上為騎將入漢

定三秦屬淮陰定齊為齊丞相侯二千六百戶 清

明 偃坐與淮南王謀反誅景六世孫復家

廣巖侯召歐以中涓從起沛至霸上為連敖入漢以騎

將定燕趙得燕將軍侯二千二百戶 勝 嘉不識

元孫復家

廣平敬侯薛歐以舍人從起豐至霸上為郎入漢以將

軍擊項籍將鍾離昧侯四千五百戶 山 澤 穰坐罪

免 去病元孫復家

博陽嚴侯陳凜以舍人從碭以刺客將入漢以都尉擊

項羽殺士卒侯 始坐謀殺壽曾孫復家

堂邑安侯陳嬰初起兵屬楚後屬漢侯六百戶復相楚

乾隆十二年校刊

封建八

元王 祿 午 季須 坐罪自殺 尊六世復家

曲逆獻侯陳平以故楚都尉歸漢為護軍出奇計定天

下侯五千戶 買 悝 何 坐畧人妻棄市 莫六世復家 鳳元始時

始爵關內侯

留文成侯張良以廐將從起下邳入武關設策降秦王

嬰解項羽隙及破羽鴻溝封萬戶 不疑 坐與門大夫殺故楚內史

贖為城旦 千秋 元孫之子 六世復家

射陽侯劉纏初起兵與諸侯擊秦即項伯也後賜姓劉

漢王與項羽有隙伯解之後降漢封侯 睢 有罪不得代

鄧文終侯蕭何以客初從入漢為丞相守蜀及關中給

軍食佐定諸侯為法令侯八千戶 祿 亡後延何少子遺

亡則以何孫遺弟 嘉 則弟勝坐罪 慶 何曾孫 壽成 坐罪 建

世 何元孫 輔 獲 坐罪 喜 何元孫之子 尊 七世 章 禹 王莽敗絕

絳武侯周勃以中涓從起沛至霸上侯定三秦食邑為

將軍入漢定隴西擊項籍守嶢關定泗水東海侯八千

一百戶 勝之 坐罪 亞夫 以勃次子 堅 以勃次子 建德

坐耐金免 廣漢 曾孫復家 共 元孫紹封千戶

舞陽武侯樊噲以舍人起沛從至霸上為侯以郎入漢

定三秦為將軍擊項籍再益封從破燕執韓信侯五千

戶 伉 坐呂氏誅 市人 以噲子 它廣 坐罪 勝客 曾孫復家 章元始

乾隆十二年校刊

封建八

時以元孫之子紹封千戶

曲周景侯酈商以將軍從起岐攻長社以南定漢蜀三

秦擊項羽侯四千八百戶 寄有罪免 堅 遂成 世宗

終根坐罪誅 共六世復家 猛元始時賜爵關內侯

潁陰懿侯灌嬰以中涓從起碭至霸上入漢定三秦以

將軍屬韓信定齊淮南及八邑殺項籍侯五千戶 何

强有罪免 賢以嬰孫紹封後坐罪免 匿曾孫復家 誼元始時賜爵關內

侯

汾陰悼侯周昌以職志擊秦入漢出關以內史堅守敖

倉以御史大夫侯如淳曰職志官名主旗幟 開方 意坐罪免 左車以昌

孫紹封為安陽侯後坐罪免 明曾孫復家

梁鄒孝侯武虎以謁者從破秦入漢定三秦以將軍擊

定諸侯比博陽侯二千八百戶 最 嬰齊 山拊坐

金充元孫之子復家

成敬侯董謀以舍人從擊秦入漢定三秦出關以將軍

定諸侯封二千八百戶 赤有罪免後復封節氏 罷軍 朝坐罪為鬼

薪誦元孫復家

蓼夷侯孔聚以執盾從起碭以左司馬入漢為將軍三

以都尉擊項籍屬韓信侯 臧坐罪免 宣元孫復家

費侯陳賀以舍人從起碭後屬韓信為將軍定會稽浙

乾隆十二年校刊

封建八

江湖陵侯 常 最 偃坐罪免 僑曾孫復家

陽夏侯陳豨以特將軍起宛至霸上定代破臧荼侯為

趙相國反兵敗坐誅

隆慮克侯周竈以連敖入漢擊項籍侯連敖楚官號 通有罪免

某元孫復家

陽都敬侯丁復以越將從起薛至霸上定三秦破龍且

項籍侯七千八百戶 甯 安成有罪免 賜曾孫復家

陽信胡侯呂青以漢五年用令尹初從功比堂邑侯干

戶 臣 義 它 善 談坐耐金免陽元孫復家

東武貞侯郭蒙以戶衛起薛破秦軍入漢定三秦堅守

敖倉破項籍侯三千戶 它有罪棄市廣漢元孫復家

什防肅侯雍齒以趙將從定諸侯侯二千五百戶齒故

沛豪與上有隙故晚從 鉅鹿 野 桓坐耐金免章元孫復家

棘蒲剛侯陳武以將軍從起薛擊齊歷下侯 奇反誅嘉

曾孫復家

都昌嚴侯朱軫以舍人從起沛降翟王虜章邯侯 率

訕 偃 辟疆亡元孫後復家

武彊嚴侯嚴不識以舍人從起沛入漢擊項籍用將軍

擊黥布侯 嬰 青翟為丞相坐張湯事自殺 仁曾孫復家

貫齊侯合傳胡害以越戶將從破秦入漢定三秦擊項

籍侯六百戶 方山 赤 遺 猜坐殺人 世棄市

海陽齊信侯搖母餘以越隊將從破秦入漢定三秦擊

項籍侯千七百戶 昭襄 建 省亡 不更元孫 賢元

壽元年爵關內侯

南安嚴侯宣虎以河南將軍降晉陽破臧荼侯九百戶

戎 千秋坐罪 護曾孫

肥如敬侯蔡寅以魏太僕從破龍且及彭城侯千戶

戎 奴亡 福曾孫

曲成閼侯蟲達以西城戶將從起碭入漢定三秦破項

籍侯四千戶 捷 皇柔坐罪論 宣元孫

鬼薪復家

河陽嚴侯陳涓以卒從起碭入漢擊項籍定齊侯 信

坐罪 元元孫 免復家

淮陰侯韓信以卒從項氏後歸為大將軍定魏趙齊封

齊王後徙楚人告反廢為侯後坐反誅夷

芒侯彰跖以門尉起碭入漢定三秦擊項籍功封侯

昭 申坐罪 免

敬市侯閻澤赤以執盾從入漢擊項籍侯千戶 無害

續 穀坐耐 章世六世 免復家

柳邱齊侯戎賜以連敖從入漢定三秦破項羽侯八千

戶 安國 嘉成 角坐罪 元生元孫 免復家

魏其嚴侯周止以舍人從起沛入漢定三秦破項羽東城侯千戶簡謀反誅廣世元孫復家

祁穀侯繒賀以執盾從晉陽以連敖擊項籍漢王敗走賀擊楚迫騎以故不得進漢王顧謂賀祁王戰彭城斬

項籍爭惡延壁侯千四百戶胡坐射擅賜曾孫復家

平悼侯工師喜以舍人從破秦入漢定諸侯封千三百

戶奴執坐罪免

魯侯奚涓以舍人從起沛破秦入漢以將軍定諸侯封

四千八百戶母底

城父嚴侯尹恢以謁者從入漢擊定諸侯封二千戶

開方奪爵為關內侯殷六世復家

任侯張越以騎都尉從擊燕代功封坐匿死罪免

棘邱侯襄以執盾從起碭破秦入漢定魏地功封後坐

罪免

河陵頃侯郭亭以連敖從入漢定三秦擊項羽功侯

歐客坐罪免延居紹封則坐耐賢元孫復家

昌武靖信侯單究以舍人從入漢定三秦擊諸侯封九

百戶如意賈成德坐殺人棄市萬元孫之孫復家

高宛制侯丙猜以客從入漢定三秦破項籍侯千六百

伍戶得武信坐罪免齧元孫之孫復家

乾隆十二年校刊

漢書卷之三 封建八

宣曲齊侯丁義以卒從入漢定三秦破項羽軍固陵侯

六百七十戶 通坐罪年會孫復家

終陵齊侯華毋害以越將從入漢定三秦擊臧荼侯七

百四十戶 勃祿坐罪告會孫復家

東茅敬侯劉到以舍人從起碭至霸上入漢定三秦擊

項籍封千戶 告坐罪咸會孫復家

斥邱懿侯唐厲以舍人從入漢擊項籍破之侯千戶

朝賢尊 坐酌金免會孫復家 廣意

臺定侯戴野以舍人從起碭入漢擊項籍燕代封 午

坐謀反誅 安昌 元孫復家

安國武侯王陵起兵定南陽屬漢王擊項羽封五千戶

忌 旂 辟方 定 坐酌金免元孫復家 襄

樂成節侯丁禮以中涓從起碭入漢定三秦擊項籍殺

龍且封千戶 馬從 吾客 義 坐言事誅禹七世復家

辟陽幽侯審食其以舍人從侍呂后孝惠入楚一歲侯

平 坐謀反誅非會孫復家

蒯成制侯周緤以舍人從起沛至霸上入漢定三秦擊

項籍絕甬道侯三千二百戶 昌 坐罪應昌弟居坐罪

禹 曾孫復家

安平敬侯鄂千秋以謁者從定諸侯功舉蕭何侯二千

戶 嘉應 寄 但坐罪 六世 復家

北平文侯張蒼以客從至霸上得陳餘封千二百戶

奉 類坐罪 免 蓋宗 六世 復家

高胡侯陳夫乞以卒從擊項籍定燕封千戶 程後 勝

之元孫 復家

厭次侯爰類以將從入漢守廣武功封 嗣謀反 世 六 誅

復家

平臯煬侯劉它以碭郡長初從功實項氏 賜姓 侯五百八十

戶 遠 光 勝坐耐 金免 勝之 七世 復家

復陽剛侯陳胥以卒從入漢擊項籍侯千戶 嘉 拾

强坐罪 免 幸 曾孫 復家

河陽齊侯其石以中謁者從入漢定諸侯封五百戶

安國 午 章 仁坐祝 誑誅 益壽 六世 復家

栢至靖侯許益以駢鄰從起昌邑以說衛入漢擊籍封

千戶 祿 昌 安和 福坐姦論 鬼薪 建 六世 復家

中水嚴侯呂馬童以郎騎將從擊龍且斬項籍侯千五

百戶 瑕 青眉 德 宜城坐耐 金免 建明 七世 復家

杜衍嚴侯王翥以中郎騎從斬項籍侯千七百戶 福

市臣 全有罪 免 安樂 曾孫 復家

赤泉嚴侯楊喜以郎中騎從斬項籍侯千九百戶 敷

毋害

坐罪免

孟嘗

元孫復家

朝陽齊侯華寄以舍人從起薛入漢擊項籍討韓信封

千戶 要

當 坐罪免

定國 元孫復家

棘陽嚴侯杜得臣以卒從入漢擊項籍侯二千戶 但

武 後亡

涅陽嚴侯呂騰以騎士從出關擊斬項羽侯千五百戶

成實

非子不得代

忠

六世復家

平棘懿侯林摯以客從斬章邯所置蜀守侯千戶 辟

驩 有罪免

常驩

曾孫復家

深澤齊侯趙將夕以趙將降屬淮陰侯定趙齊楚侯七

百戶 頭

修

坐罪免

胡 紹封後亡

延世

元孫復家

掣頃侯温疥以燕將軍從破曹咎告燕荼反封千九百

戶 仁 何

福

元孫復家

歷簡侯程黑以趙衛將軍從擊項羽敖倉攻臧荼封千

戶 釐

竈

坐罪免

弘

六世復家

武原靖侯衛肱以梁將軍從擊韓信陳豨黥布封二千

八百戶 寄

不害

坐罪免

堯

元孫復家

橐祖侯陳錯以將從擊陳豨功侯六百戶 嬰 應

安 千秋

坐耐金免

儒

六世復家

宋子惠侯許惲以趙將從擊定諸侯封五百三十六戶

乾隆十二年校刊

漢道卷之七 封建八

漢道卷之七

九

留九坐罪廼七世復家

猗氏敬侯陳遯以舍人從起豐入漢擊項羽侯一千一

百戶支羗後亡胡曾孫復家

清簡侯室中同以弩將從入漢擊項羽代侯封千戶

聖鮒古生坐耐武元孫復家

疆圉侯留盼以客吏從入漢擊項羽侯千戶章復

坐罪免定曾孫復家

彭簡侯秦同以卒從入漢擊項羽侯千戶執武坐罪

免壽元孫復家

吳房嚴侯楊武以郎中騎從擊陽夏斬項籍封七百戶

去疾坐罪免談孫復家

寧嚴侯魏遯以舍人從碭擊臧荼功侯千戶連指

坐罪免都元孫復家

昌圍侯旅卿以齊將從韓信定齊擊項羽韓王信侯千

戶通坐謀反誅光元孫復家

共嚴侯旅罷師以齊將從擊項羽及韓王信封千二百

戶黨高信曾孫復家

闕氏節侯馮解散以代主爵降為鷹門守平代寇侯千

戶它亡遺子嗣勝之平坐耐金免

安邱懿侯張說以卒初屬魏豹入漢擊項羽定代侯二

千戶 奴 執 新 拾坐罪 舜六世復家

襄平侯紀通父城以將軍從破秦入漢定三秦戰死子

侯 相夫 夷吾亡後 萬年元孫復家

龍陽敬侯陳署以卒從霸上擊項籍斬曹咎侯千戶

堅有罪免

平嚴侯張瞻師以趙騎將從擊諸侯封千五百戶 惇

寄 安國為人所殺 連城六世復家

陸量侯項無詔以為列侯自置吏受令長沙王 桑

慶忌 冉坐酎金免 聖曾孫復家

高景侯周成父苛以內史從破秦守滎陽罵項籍死事

子封侯後謀反誅 繩以孫紹封 平坐罪免 賜元孫復家

離侯鄧弱以長沙將兵侯

義陵侯吳郢以長沙柱國侯千五百戶 重亡後

宣平武侯張敖嗣父耳為趙王坐相貫高反廢為侯

偃高后時為魯王後降紹侯 歐 壬有罪免 廣孫以弟紹侯

昌坐罪免 侈以魯元太后子封信都侯孝文時免 受以

魯元子封樂昌侯孝文時免 慶忌以敖元孫紹封千

戶 遂元孫復家

東陽武侯張相如以河間守擊陳豨功封一千三百戶

殷 安國 强亡後 宣六世復家

乾隆十二年校刊 漢書卷之八 封建八

慎陽侯樂說淮陰侯韓信舍人告信反侯二千戶 願

買之 坐鑄白通六世金棄市復家

開封愍侯陶舍以右司馬從擊燕代侯二千戶 青

偃 睢 坐酎元始七世金免復家

禾成孝侯公孫昔以卒從以郎中擊陳豨侯千九百戶

漸 亡後 廣意 曾孫復家

堂陽哀侯孫赤以中涓從起沛入漢擊項籍陳豨侯八

百戶 德 有罪免 明 曾孫復家

祝阿孝侯高色以客從入漢擊魏破項籍陳豨封千八

百戶 成 坐罪免 弘 元孫復家

長修平侯杜恬以御史從出關擊諸侯死事侯千九百

戶 中 意 坐罪免 相夫 孝梁時紹封後坐罪免

江邑侯趙堯以御史為趙相擊陳豨封六百戶高后時

坐罪免

營陵侯劉澤以郎中擊項籍陳豨封高后時為瑯琊王

土軍式侯宣義為中地守以廷尉擊陳豨侯一千一百

戶 莫如 平 生 坐罪免 寄 六世復家

廣阿懿侯任敖以客從起沛擊項籍陳豨侯千八百戶

敬 但 越人 坐罪免 定 元孫復家

須昌貞侯趙衍以謁者從擊陳豨功侯千四百戶 福

不害 坐罪免 步昌 七世復家

臨轅堅侯戚鯁為郎守斬以中尉侯五百戶 觸龍

中賢 坐耐金免 常 元孫復家

汲紹侯公上不害為太僕擊代豨功封千三百戶 武

通 廣德 坐罪免 常 元孫復家

甯陵夷侯呂臣以舍人從入漢破曹咎擊陳豨功侯千

戶 謝始 得元孫復家

汾陽嚴侯靳強以郎中騎從擊項羽破鍾離昧功封

解胡 右封 坐罪免 忠 元孫復家

戴敬侯祕彭祖以卒從起沛擊陳豨封千一百戶 惲

安國 軫 蒙 坐祝政七世復家

衍簡侯翟盱為燕令以都尉下楚九城堅守燕侯九百

戶 山 嘉 不疑 坐罪免 光 元孫復家

平州共侯昭涉掉尾以燕相從擊項籍還擊臧荼侯千

戶 種 它人 馬童 昧 坐罪免 福 元孫復家

中牟共侯單右車以卒從沛入漢高祖微時有急給高

祖馬故得封侯 繒 終根 舜 坐耐金免 充國 六世復家

卽嚴侯黃極忠以羣盜長為臨江將為漢擊臨江王破

布封千戶 榮成 明 遂 坐罪免 調 六世復家

博陽節侯周聚以卒從豐入漢擊項籍成臯功封 遯

坐罪 萬年 曾孫復家

陽羨定侯靈常以荆令尹從擊鍾離昧及利幾英布侯

二千戶 賀 勝 無後 元孫復家

下相嚴侯冷耳以客從起沛入漢堅守彭城拒布軍侯

二千戶 順 謀反 元孫復家

高陵圉侯王虞人以騎司馬從破田橫追項籍侯九百

戶 弄弓 行 坐謀反 誅

期思康侯賁赫淮南王英布中大夫告布反封二千戶

亡後 充 元孫復家

戚園侯季必以騎都尉從擊項籍破齊攻燕擊韓封千

五百戶 長 瑕 信成 坐罪 元孫復家

穀陽定侯馮谿以卒從擊項籍定代為將軍封 熊

卯 解中 偃 亡後 武 七世復家

嚴敬侯許猜以楚將降擊項羽陳豨侯六百戶 恢

則 周 廣宗 坐耐 金免 六世復家

成陽侯奚意以魏郎從屬彭越定代侯六百戶 信 有罪

誅 通 曾孫復家

桃安侯劉襄以客從起定陶擊布侯千戶 舍 由

自為 坐耐 金免 六世復家 益壽

高粱共侯酈疥父食其以客從約和諸侯說齊死事子

侯勃平坐罪免賜元孫復家

紀信匡侯陳倉以中涓從入漢擊項籍攻盧綰侯七百

戶開煬坐反誅千秋元孫復家

景嚴侯王競以車司馬從屬劉賈侯五百戶 真粘

嬭有罪免昌元孫復家

張節侯毛釋之以中涓從起豐入漢從擊諸侯封七百

戶鹿舜坐罪免景元孫復家

煮棗端侯革朱以越連敖從擊諸侯功封九百戶 式

昌坐罪免奉元孫復家

鄱陵嚴侯朱濞以卒從起豐入漢擊項籍臧荼侯二千

七百戶 慶亡言會孫復家

鹵嚴侯張平以中尉從入關擊項籍黥布盧綰封二千

七百戶 勝坐罪免常六世復家

右高祖百四十七人周呂建成二人在外戚羹頡

舍合陽沛德四人在王子凡百五十三人

便頃侯吳淺以父長沙王功侯二千戶 信 廣志

千秋坐酎金免長樂元孫復家

軼侯黎朱蒼以長沙相侯七百戶 豨 彭祖 扶坐罪

免漢六世復家

平都孝侯劉到以齊將定齊降封千戶 成坐罪免如意

乾隆十二年校刊

文獻通考卷一百一十八 封建八

文獻通考卷一百一十八

十一

曾孫
復家

右孝惠三人

南宮侯張買以父越人為高祖騎將從軍以中大夫侯

生坐罪免

梧齊侯陽城延以軍匠從入漢為少府作長樂未央築

長安城侯五百戶

去疾

偃

戎奴

坐殺人棄市

注

六世復家

平定敬侯齊受以卒從擊項籍用齊丞相侯市人

應延居

昌

坐罪免

安德

元孫復家

博成敬侯馮無擇以呂澤郎中從高祖起豐擊項籍奉

澤出滎陽侯

代

坐呂氏誅

沅陵頃侯吳陽以父長沙王功封侯

福

周

亡後

中邑貞侯朱進以執矛從入漢破曹咎侯六百戶悼

坐罪免

樂平簡侯衛毋擇以隊卒從起沛擊陳餘侯六百戶

勝

侈

坐罪免

山都貞侯王恬啓以郎中柱下令擊陳豨用梁相侯

中黃

觸龍

當

坐罪免

祝茲夷侯徐厲以舍人從沛入漢得雍王家屬用常山

丞相侯

悼

偃

有罪免

成陰侯周信以卒從為呂后舍人為河南守封五百戶

勃有罪免

俞侯呂它父嬰以連敖從高祖破秦入漢定諸侯死事子侯後坐呂氏誅

醴陵侯越以卒從擊項羽用長沙相侯六百戶

右高后十二人扶柳襄城軹壺關昌平贅其勝呂

成祝茲建陵十一人在恩澤外戚浹沛信都樂昌

東平五人隨父上邳朱虛東牟三人在王子凡三

十一人

陽信夷侯劉揭為典客奪呂祿印閉殿門止產等立帝

侯二千戶中意免有罪

壯武侯宋昌以家吏從高祖起山東為代中尉勸帝驂乘入即位侯千四百戶孝景中四年有罪奪爵為關內侯

樊侯蔡兼以睢陽令高祖初從阿還定北地用常山相

侯千二百戶客平辟方免坐罪

汴陵康侯魏泗以陽陵君侯亡後

南鄭侯起以信平君侯坐罪削爵為關內侯

黎頃侯召奴召平之子以父齊相侯潰延坐罪誅

餅侯孫單父邛以北地都尉死事匈奴子侯後坐反誅

弓高壯侯韓賁當故韓王子以匈奴相國降侯則後

乾隆十二年校刊

文獻通考卷之三十三 封建八

饒以都尉擊匈奴得王封說以橫海將軍擊東越興嗣

龍額侯後坐耐金免祝誅曾紹侯寶後共寶從父昆

襄城哀侯韓嬰故韓王信太子以匈奴相國降侯釋

之坐罪免

故安節侯申屠嘉從高祖功食邑五百文帝時用丞相

侯共坐罪免與坐罪免

右孝文十人軹鄔周陽三人在外戚管氏營邱營

平陽虛陽邱勃安都平昌武成白石阜陵安陽周

東城十四人在王子凡二十七人

俞侯樂布以將軍吳楚反擊齊侯賁坐罪免

建陵哀侯衛綰以將軍擊吳楚用中尉侯信坐耐金免

建平敬侯程嘉以將軍擊吳楚用江都相侯橫回

後亡

平曲侯公孫渾邪以將軍擊吳楚用隴西太守侯後有

罪免賀以擊匈奴復侯為丞相坐子罪下獄死

江陽康侯蘇息以將軍擊吳楚用趙相侯盧朋

雕坐耐金免

遠侯橫史失其姓父建德以趙相不聽王遂反死事子

侯千一百七十戶

新市侯王棄之父悍以趙內史王遂反不聽死事子侯

乾隆十二年校刊

之快道考卷三封建八

始昌為人所賊殺

商陵侯趙周父夷吾以楚太傅王戊反不聽死事子侯後為丞相坐罪自殺

山陽侯張當居父尚以楚相王戊反不聽死事子侯後坐罪免

安陵侯于軍以匈奴王降侯千五百五十戶亡後

桓侯賜以匈奴王降侯史不言所終

遒侯陸強以匈奴王降侯千五百七十戶則坐祝詛誅

容城攜侯徐盧以匈奴王降侯七百戶纏光坐祝詛上誅

誅

易侯僕黜以匈奴王降侯千一百十戶亡後

范陽靖侯范代以匈奴王降侯六千二百戶德亡政後

元孫賜關內侯

翁侯邯鄲以匈奴王降侯坐罪免

亞谷簡侯盧它之故燕王綰子以匈奴東胡王降侯千

戶種漏賀坐罪死

塞侯直不疑以御史大夫侯前有將兵擊吳楚功相

如堅坐耐金免

右孝景十八人平陸休沈猷紅宛胸棘樂乘氏桓

邑八人在王子魏其蓋靖二人在外戚隆慮一人

隨父凡三十九人

翁侯趙信以匈奴相國降擊匈奴益封千六百八十戶
後兵敗降匈奴

特轅侯樂以匈奴都尉降侯六千五十戶亡後

親陽侯月氏以匈奴相降侯六百八十戶後坐謀反誅

若陽侯猛以匈奴相降侯五百三十戶後坐謀反誅

平陵侯蘇建以都尉從大將軍擊匈奴封凡一千戶後
坐敗師免

岸頭侯張次公以都尉從大將軍擊匈奴益封凡二千
戶後坐罪免

涉安侯於單以匈奴單于太子降侯亡後

昌武侯趙安稽以匈奴王降侯從驃騎擊虜益封 充

國亡後

襄城侯桀龍以匈奴相國降侯四百戶 病已坐詘祝死

安樂侯李蔡以將軍再擊匈奴得王侯二千戶坐罪自
殺

合騎侯公孫敖以護軍都尉三從大將軍擊匈奴至右

王庭得王侯益封共九千五百戶後坐出軍後期免

軹侯李朔以校尉三從大將軍擊匈奴虜闕氏侯後坐
罪免

從平侯公孫戎奴以校尉三從大將軍擊匈奴侯一千一百戶後坐罪免

隨成侯趙不虞以校尉三從大將軍擊匈奴先登侯七百戶後坐罪免

博望侯張騫以校尉從大將軍擊匈奴及使西域大夏侯後坐出軍畏懦免

衆利侯郝賢以上谷太守從大將軍擊匈奴侯一千一百戶後坐罪免

遼悼侯王援訾以匈奴趙王降侯五百六十戶亡後從票侯趙破奴以司馬從驃騎將軍擊匈奴得兩王侯

二千戶後坐酎金免

宜冠侯高不識以校尉從驃騎將軍擊匈奴侯一千一百戶後坐罪免

輝渠忠侯僕朋以校尉從驃騎將軍擊匈奴得王侯封雷電擊匈奴沒

支下摩侯諱毒尼以匈奴王降封七百戶 伊卽軒 冠

濕陰定侯昆邪以匈奴昆邪王將衆十萬降侯萬戶

蘇亡後

輝渠慎侯應疋以匈奴王降侯亡後

河綦康侯烏黎以匈奴右王與渾邪降侯六百戶 餘

利鞬後亡

常樂侯稠雕以匈奴大當戶與渾邪降侯五百五十戶

當戶匈奴官名 廣漢後亡

邳離侯路博德以右北平太守從驃騎擊匈奴侯千六

百戶坐罪免

義陽侯衛山以北地都尉從驃騎擊匈奴得王侯千一

百戶坐罪免

杜侯復陸支以匈奴歸義從驃騎擊虜侯一千三百口

偃耆 宣平 福坐罪免

衆利侯伊卽軒匈奴歸義從驃騎擊虜侯千一百戶

當時 輔宗後亡

湘成侯敞屠洛以匈奴符離王降侯千八百戶坐酎金

免

散侯董舍吾以匈奴都尉降侯一千一百戶 安漢

賢坐祝詛死

臧馬康侯雕延年以匈奴王降侯八百七十戶亡後

瞭侯次公以匈奴歸義王降侯七百九十戶坐酎金免

術陽侯建德以南越王兄越高昌侯侯三千戶坐罪誅

龍侯繆廣德父樂以校尉擊南粵死事子侯六百七十

戶坐耐金免

成安侯韓延年父千秋以校尉擊南越死事子侯千三百十戶

昆侯渠復縈以屬國大首渠擊匈奴侯 乃始無後

騏侯駒幾以屬國騎擊匈奴侯五百二十戶 督 崇

詩以弟紹封

梁期侯任破胡以屬國都尉間出擊匈奴侯 當千坐罪

免

臧侯畢取以南越將軍降侯五百一十戶 奉義坐祝詛誅

將梁侯楊僕以樓船將軍擊南越侯坐罪免

安道侯揭陽定以南越揭揚令降侯六百戶 當時坐殺

市人棄

隨桃頃侯趙光以南越蒼梧王降侯三千戶 昌樂嗣子

有罪不光元放孫紹封千戶

湘成侯監居翁以南越桂林監降侯八百三十戶 益

昌坐賊誅

海常嚴侯蘇弘以伏波司馬得南越王建德侯亡後

外石侯吳陽以故東越衍侯佐繇王功侯千戶 首坐祝

誅詛

下郵侯左將黃同以故歐駱左將斬西于王功侯七百

戶

奉漢

坐視
誅

繚婁侯劉福以校尉從橫海將軍擊南越侯坐罪免

薊兒嚴侯轅終古以軍卒斬東越徇北將軍侯亡後

開陵侯建成以故東粵建成侯與繇王斬餘善侯二千

戶

祿

坐視
誅

臨蔡侯孫都以南粵郎得粵相呂嘉侯千戶

襄

坐罪
死

東城侯居股以故東粵繇王斬東粵王餘善侯萬戶坐

謀反誅

無錫侯多軍以東粵將軍漢兵至棄軍降侯千戶

卯

坐罪
免

涉都侯喜父粵南海守漢兵至以越邑降子侯二千四

十戶亡後

平州侯王暎以朝鮮將降漢侯千四百八十戶亡後

荻苴侯韓陶以朝鮮相降漢侯五百四十戶不得嗣

澶清侯參以朝鮮尼谿相降侯千戶坐罪死

驪茲侯稽谷姑以小月氏右苴王將眾降侯千九百戶

亡後

浩侯王恢以故中郎將將兵捕得車師王侯坐罪免

軻講侯杆者以小月氏將軍眾降侯七百六十戶 勝

不得
嗣

乾隆十二年校刊

卷八 封建八

三五

幾侯張路以朝鮮王子降侯坐罪死

涅陽康侯最以父朝鮮相路人漢兵至首降道死子侯

亡後

海西侯李廣利以貳師將軍擊大宛侯八千戶後兵敗

降匈奴

新時侯趙弟以貳師將軍騎士斬郁都成王侯坐罪免

承父侯續相如以使西域斬扶樂王首虜其人侯千百

十戶坐罪誅

開陵侯成婉以故匈奴介和王擊車師侯 順 褒

級褒弟紹封 參王莽敗絕

稭侯商邱成以大鴻臚擊衛太子力戰侯二千一百二

十戶坐罪自殺

重合侯莽通以侍郎發兵擊反者侯四千八百七十戶

後坐謀反誅

德侯景建以長安大夫從莽通殺少傅石德侯三千七

百十五戶後坐謀反誅

題侯張富昌以山陽卒與李壽同得衛太子侯八百五

十八戶後為人所殺

邗侯李壽以新安令史得衛太子侯一百五十戶後坐

罪誅

轅陽侯江喜以圍嗇夫捕反者公孫勇侯千一百二十戶
仁坐罪免

當塗康侯魏不害以圍守尉捕反者侯二千二百戶

聖 楊 向 堅居王莽敗絕

蒲侯蘇昌以圍小史捕反者侯千二十六戶 夷吾坐罪免

丞父侯孫王以告反者太原白義等侯千一百五十戶
後坐罪免

右孝武七十五人武安周陽長平冠軍平津周子
南樂通牧邱富民九人在外戚恩澤南奔龍領宜

春陰安發千五人隨父凡八十九人王子不在其
中

稭敬侯金日磾以駙馬都尉發覺莽何羅反侯二千三百二十戶
賞亡當以日磾曾孫紹侯後千戶王莽敗絕

建平敬侯杜延年以諫大夫告左將軍反侯以太僕與
大將軍定策益封二千三百六十戶 緩 業 輔

憲

宜城戴侯燕倉以假稻田使者發覺左將軍桀等反封

七百戶 安 尊 武 級 舊王莽敗絕

弋陽節侯任宮以故丞相徵事手捕反者上官桀侯九

百一十五戶 千秋 惲 岑 固
商利侯王山壽以丞相少史誘反者安入相府侯九百一十五戶後坐罪免

成安嚴侯郭忠以張掖屬國與匈奴戰斬王侯七百二十四戶 遷 賞 長 萌 每王莽敗絕

平陵侯范明友以校尉擊反氏獲首虜侯與定策益封凡二千九百二十戶坐反誅

義陽侯傅介子以平樂廐監使誅樓蘭王斬首侯七百五十九戶子有罪不得嗣 長曾孫紹封

右孝昭八人博陸安陽宜春安平富平陽平六人

在恩澤外戚桑樂一人隨父凡十五人

長羅壯侯常惠以校尉光祿大夫擊匈奴獲首虜侯二千八百五十戶 成 邯 翁亡後

爰戚靖侯趙長平以平陵大夫告楚王延壽反侯千五百三十戶 訢 牧

博成侯張章以長安男子發覺霍禹侯三千九百一十三戶 建坐罪免

高昌壯侯董忠以期門受張章言告霍禹反侯一千一百戶 宏 武

平通侯楊惲以左曹中郎受董忠等言霍禹反侯二千

乾隆十二年校刊

文獻通考卷三百三 封建八

三

五百戶後坐誹謗不道誅

都成敬侯金安上以侍中中郎將受楊惲等言霍禹反

侯七百七十七戶

常後

亡欽孫紹

楊王莽敗絕

合陽愛侯梁喜以平陽大夫告反者侯一千五百戶

放

王莽敗絕

安遠繆侯鄭吉以校尉光祿大夫將兵迎日逐王降又

破車師侯七百九十戶

光後

亡永吉曾孫紹封王莽敗絕

歸德靖侯先賢擲以匈奴單于從兄日逐王降侯二千

二百五十戶

富昌

諷

襄

霸

永平十四年坐罪免

信成侯王定以匈奴烏桓單于子率眾降侯一千六百

戶坐削一百五戶

廣漢

亡楊以定孫紹

義陽侯厲温敦以匈奴呼連累單于率眾侯一千五百

戶後坐子謀反削爵為關內侯

右孝宣十一人陽都營平平邱昌水陽城爰氏扶

陽高平陽城博陽邛成將陵建成西平平恩平昌

樂陵武陽平臺樂昌博望樂成二十一人在恩澤

外戚樂平冠陽鄼周子南君四人隨父凡三十六

人

義成侯甘延壽以使西域討郅支單于斬王以下侯益

封共二千戶

建

遷相

建武四年為兵所殺

駟望忠侯冷廣以温沃公士告男子馬政反侯千八百

戶 何 齊王莽敗絕

延鄉節侯李譚以尉氏男子捕得反者樊並侯千戶

成王莽敗絕

新山侯稱忠以捕得反者樊並侯千戶

童鄉釐侯鍾祖以捕得反者樊並侯千戶亡後 匡祖以

子紹封王莽敗絕

樓虛侯訾順以捕得反者樊並侯千戶

右孝元六人安平平恩扶陽三人隨父陽平樂安

二人在恩澤外戚凡十一人孝成五人安昌高陽

安陽城陽高陵定陵殷紹嘉宜鄉汜鄉博山十人

在恩澤外戚武陽博陽贊騏龍額開陵樂陵博望

樂成安平平阿成都紅陽曲陽高平十五人隨父

凡三十人

西漢外戚恩澤侯

臨泗侯呂公以漢王后父賜號高后追尊曰呂宣王

周呂令武侯澤以客從入漢定三秦佐定天下 台初

襲周侯高后時封為呂王 嘉坐驕廢

建成康侯釋之以客從擊秦漢王入漢使釋之歸豐衛

太上皇 則坐罪誅

乾隆十二年校刊

文獻通考卷之八 封建八

右高祖三人

扶柳侯呂平以皇太后姊子侯史據其母姓坐反誅

襄城侯義 壺關侯武 軹侯朝 昌平侯大俱以孝

惠子侯後為王

見諸侯王

贅其侯呂勝以皇太后昆弟子淮陽丞相侯後坐反誅

滕侯呂更始為舍人郎中以都尉屯霸上用楚丞相侯

後坐反誅

呂成侯呂忿以皇太后昆弟子侯後坐反誅

祝茲侯呂瑩以皇太后昆弟子侯後坐反誅

建陵侯張釋寺人以大謁者勸王諸呂侯後坐免

右高后十人五人隨父凡十五人

軹侯薄昭高祖時以郎從軍文帝立以車騎將軍迎太

后侯萬戶 戎奴 梁

鄔侯駟鈞以齊王舅侯後坐罪免

周陽侯趙兼以淮南王舅侯後坐罪免

右孝文三人

章武景侯竇廣國以皇太后弟侯萬一千戶 定 常

生坐罪免

南皮侯竇彭祖以皇太后兄子侯 良 桑林坐酎金免

魏其侯竇嬰以將軍屯滎陽打破吳楚七國侯皇太后昆弟子

後坐罪
棄市

蓋靖侯王信以皇后兄侯 充 受坐罪 金免

右孝景四人

武安侯田蚡以皇太后同母弟侯 恬坐罪 免

周陽懿侯田勝以皇太后同母弟侯 祖坐罪 免

長平烈侯衛青以大將軍擊匈奴取朔方侯後破右賢

王益封又封三子皇后弟 伉以青功封宜春侯後坐罪 免 不疑

以青功封陰安侯後坐罪 金免 酎 登以青功封發干侯後坐罪 金免 酎

元青曾孫 復家 賞元孫 爲關內侯

平津獻侯公孫弘以丞相侯三百七十三戶 度坐罪 免

冠軍景桓侯霍去病以校尉擊匈奴侯後以將軍破祁

連迎昆邪王益封后姊子 嬪亡 山以從祖父大將軍光功

封樂平侯二千戶後反 誅 雲山弟 以大將軍光功封冠陽一

千八百戶後坐罪 反 誅

周子南君姬嘉以周後侯三千戶 置坐罪 誅 當 延年

以當弟 紹封 安 世 黨 常建武初更爲周承休侯 武

更爲衛公

樂通侯樂大以方術侯三千戶後坐罔上要斬

牧邱恬侯石慶以丞相及父萬石積行侯 德坐罪 免

富民定侯車千秋以丞相侯八百戶遺詔益封凡千六

百戶 順坐罪免

右孝武九人三人隨父凡十二人

博陸宣成侯霍光以奉車都尉捕反者莽何羅侯二千

三百五十戶後以大將軍益封萬七千二百戶 禹坐謀

反要陽元始初以光從父昆弟之曾孫紹封王莽時絕

安陽侯上官桀以騎都尉捕反者莽何羅侯二千三百

戶後坐反誅 安以皇后父封千五百戶後反誅

宜春敬侯王訢以丞相侯子譚與大將軍定策益封定

六百八戶 譚 咸 章 强更始元年為兵所殺

安平敬侯楊敞以丞相侯七百戶以定策益封共五千

五百四十七戶 忠 譚坐罪反

富平敬侯張安世以右將軍輔政及定策益封共一萬

三千六百四十戶 延壽 敞 臨 放 純建武中

為武始侯

陽都侯張彭祖以世父故掖庭令賀有舊恩封千六百戶後為小妻所殺

陽平節侯蔡義以丞相侯前為御史大夫與大將軍定策共封七百戶

右孝昭六人一人桑樂侯隨父凡七人

營平壯侯趙充國以後將軍與大將軍定策功侯千二

百七十九戶 弘 欽 岑 坐罪反

平邱侯王遷以光祿大夫與大將軍定策功侯千二百五十三戶坐贓免

昌水侯田廣明以鴻臚擊反氏賜關內侯與定策侯二千七百戶坐擊匈奴失期自殺

陽城侯田延年以大司農與定策功侯二千四百五十三戶坐盜都內錢自殺

爰氏肅侯便樂成以少府與定策功侯二千三百二十七戶 輔 臨 亡鳳曾孫紹封王莽敗絕

扶陽節侯韋賢以丞相侯七百一十二戶 元成 寬

育 湛 王莽敗絕

平恩戴侯許廣漢以皇太子外祖父昌成君侯五千六百戶亡後 嘉 以廣漢弟嗣 况 旦 敬 王莽敗絕

高平憲侯魏相以丞相侯八百一十三戶 弘坐不敬削為關內侯

樂昌共侯王武以帝舅關內侯六千戶 商 安 為王莽所殺

平昌節侯王無故以帝舅關內侯侯六百戶 接 臨 獲 建武五年復爵

陽城繆侯劉德以宗正關內侯行謹重為宗室率侯子

乾隆十二年校刊

文獻通考卷之七 封建八

三

安民以戶五百贖弟更生罪定戶六百四十戶 安民

慶忌 王莽敗絕

樂陵安侯史高以悼皇考舅子侍中與發霍氏姦侯二

千三百戶 術 崇 亡後 岑 以高曾孫紹

武陽頃侯史丹以帝為太子時輔導有舊恩侯一千三

百戶 邯 獲 更始時為

邛成共侯王奉光以皇后父關內侯侯二千七百五十

戶 敞 勲 坐罪免 堅固 以曾孫紹封

安平夷侯王舜以皇太后元侍中郎將封千四百戶

章 淵 買 王莽敗絕

將陵哀侯史曾以悼皇考舅子侍中中郎將關內侯舊

恩侯二千二百戶亡後

平臺康侯史元以悼皇考舅子侍中中郎將關內侯有

舊恩侯千九百戶 恁 習

博望頃侯許舜以皇太子外祖父同產弟長樂衛尉有

舊恩侯千五百戶 敞 黨 並 亡後 報子 並弟紹封

樂成敬侯許延壽以皇太子外祖父同產弟侍中關內

侯有舊恩侯千五百戶 湯 常 恭 以弟 紹封 去疾 王莽敗絕

博陽定侯丙吉以御史大夫關內侯有舊恩侯千三百

三十戶 顯坐罪奪爵為關內侯 昌 吉孫 紹封 並 勝客

乾隆十二年校刊

文獻通考卷七 封建八

三五

王莽
敗絕

建成定侯黃霸以丞相侯六百戶後益封一千二百戶

賞 輔

西平安侯于定國以丞相侯六百六十戶 永 恬王莽

敗絕

右孝宣二十一人一人陽都侯隨父凡二十二

陽平頃侯王禁以皇后父侯二千六百戶以子鳳大將

軍益封八千戶 鳳 襄 岑 莫更始時為兵所殺

安成共侯王崇以皇太后母弟關內侯封凡萬戶 奉

世 持弓王莽敗絕

平阿侯王譚以皇太后弟關內侯封二千一百戶 仁

為莽所殺 述建武初絕

成都景成侯王商以皇太后弟關內侯後益封共二千

戶 况坐罪免 邑以况弟紹王莽篡為陰信公莽敗死

紅陽荒侯王立以皇太后弟關內侯侯二千一百戶

柱王莽敗絕

曲陽煬侯王根以皇太后弟關內侯凡再益封共萬二

千四百戶 涉王莽時為直道公為莽所殺

高平侯王逢時以皇太后弟關內侯侯三千戶 置王莽

敗絕

乾隆十一年校刊

文獻通考卷之七 封建八

三

新都侯王莽以帝舅曼子侯千五百戶後篡位誅

褒新侯王安以莽功侯二千戶莽篡位為信遷公病死

無後

賞都侯王臨以莽功侯二千戶篡位後為統義陽王自

殺

樂安侯匡衡以丞相侯六百四十七戶後坐罪免

右孝元二人一人安平侯隨父凡三人

二人王禁匡衡崇譚

以下皆附禁

安昌節侯張禹以丞相侯後增封共四百戶

宏更始時為

兵所殺

高陽侯薛宣以丞相侯千九十戶後坐罪免

安陽敬侯王音以皇太后從弟大司馬侯千六百戶

舜莽篡位為安新公

攝莽敗死

成陽節侯趙臨以皇后父侯二千戶

訖後坐欽弟封

後坐罪徒

高陵共侯翟方進以丞相侯并益封共千五百戶 宣

坐弟義舉兵誅王莽為莽所殺

定陵定侯淳于長以皇太后姊子封千戶坐大逆死

殷紹嘉侯孔何齊以殷後孔子世吉適子侯千六百七

十戶後進爵公地百里益九百戶元始二年為宋公

乾隆十二年校刊

天運考卷七 封建八

宜鄉侯馮參以中山王舅侯千戶後坐罪死

汜鄉侯何武以大司空侯後益封共二千戶 况

博山簡烈侯孔光以丞相侯後益封至萬戶 放王莽敗絕

右孝成十人安成平阿成都紅陽曲陽高平新都

武陽侯八人隨父凡十八人

陽安侯丁明以帝舅侯五千戶後為王莽所殺

孔鄉侯傅晏以皇后父侯共益封至千戶後坐罪徙

平周侯丁滿以帝舅子侯千一百三十九戶後坐罪免

高樂節侯師丹以大司馬侯二千三十六戶 業王莽敗絕

高武貞侯傅喜以帝祖母從父弟大司馬侯二千三十

戶 勁王莽敗絕

楊鄉侯朱博以丞相侯千戶後坐罪死

新甫侯王嘉以丞相侯千六十八戶後坐罪死 崇王莽敗絕

汝昌侯傅商以太后父弟益封至五千戶子昌後坐非正免

陽新侯鄭業以皇太后同母弟侯千戶後坐非正免

高安侯董賢以駙馬都尉告東平王雲祝詛侯益封至二千戶後坐罪自殺

方陽侯孫寵以騎都尉告東平王謀反侯千戶後坐罪

徒

宜陵侯息夫躬以博士弟子告東平王祝詛逆謀侯千戶後坐詛祝下獄死

長平頃侯彭宣以大司空侯二千四十七戶 聖業

王莽敗絕

右孝哀十三人新成新都平陽營陵德五人隨父凡十八人

扶德侯馬宮以大司徒侯二千戶

扶平侯王崇以大司空侯二千戶

廣陽侯甄豐以左將軍光祿勳定策功侯五千三百六

十五戶莽篡位為廣新公後為莽所殺

承陽侯甄邯以侍中奉車都尉定策功侯二千四百戶

莽篡位為承新公

褒魯節侯公子寬以周公世魯頃公元孫之元孫奉周

祀侯二千戶 相如更姓公孫氏後更為姬氏

褒成侯孔均以孔子世褒成烈君霸魯孫奉孔子祀侯

二千戶

防鄉侯平晏以長安少府與劉歆孔永孫遷凡人治明

堂辟雍得萬國歡心功臣侯各千戶莽篡位為就新公

紅休侯劉歆以侍中義和與平晏同功侯莽篡位為國

師公後爲莽所殺

寧鄉侯孔永以侍中五官中郎將與平晏同功侯莽篡位爲大司馬

定鄉侯孫遷以常侍謁者與平晏同功侯

常鄉侯王惲以太僕與閻遷陳崇等八人使行風俗齊同萬國功侯各千戶

望鄉侯閻遷以鴻臚與王惲同功侯

南鄉侯陳崇以大司徒司直與王惲同功侯

邑鄉侯李翁以水衡都尉與王惲同功侯

亭鄉侯郝黨以中郎將與王惲同功侯

章鄉侯謝殷以中郎將與王惲同功侯

蒙鄉侯遂晉以騎都尉與王惲同功侯莽篡位爲大司馬

盧鄉侯陳鳳以中郎將與王惲同功侯

成武侯孫建以強弩將軍有折衝之威侯莽篡位爲成新公

明統侯侯輔以騎都尉明爲人後一統之義侯

破胡侯陳馮以父湯前爲副校尉討郅支單于侯千四百戶

討狄侯杜勳以前爲將軍侯丞平斬郅支單于侯千戶

右孝平二十二人邛成博陸宣平紅舞陽稔樂陵
都成新甫爰氏合陽義陽章鄉信成隨桃褒新賞
都十七人隨父繼世凡三十九人

高祖六年始剖符封功臣曹參等爲通侯

已上封大功臣二十餘人其餘日夜爭功不決未得
行封上在洛陽南宮從複道望見諸將徃徃相與坐
沙中語上曰此何語留侯曰陛下不知乎此謀反耳
上曰天下屬安定何故反乎留侯曰陛下起布衣以
此屬取天下今陛下爲天子而所封皆故人所親愛
所誅皆生平所仇怨今軍吏計功以天下不足徧封

此屬畏陛下不能盡封恐又見疑平生過少及誅故
卽相聚謀反耳上乃憂曰爲之奈何留侯曰上平生
所憎羣臣所共知誰最甚者上曰雍齒與我有故怨
數嘗窘辱我我欲殺之爲其功多故不忍留侯曰今
急先封雍齒則羣臣人人自堅矣於是上乃置酒封
雍齒爲什方侯而急趣丞相御史定功行封羣臣罷
酒皆喜曰雍齒尚爲侯我屬無患矣

列侯畢已受封詔定功臣十八人位次上從鄂千秋
言以蕭何第一曹參次之賜何帶劔履上殿入朝不

趨

十二年詔列侯皆令自置吏得賦斂女子公主爲列侯食邑者佩之印賜大第室

秦漢之制列侯封君食租衣稅率戶二百千戶之君則二十萬朝覲聘享出其中徹侯金印紫綬改所食國令長名相又有家丞門大夫庶子

高后二年詔差次列侯功以定朝位藏於高廟世世勿絕嗣子各襲其功位

文帝二年詔曰朕聞古者諸侯建國千餘各守其地以時入貢民不勞苦上下歡欣靡有違德今列侯多居長安邑遠吏卒給輸費苦而列侯亦無繇教訓其民其令

列侯之國爲吏及詔所止者遣太子

三年詔曰前日詔遣列侯之國辭未行丞相朕之所重其爲朕率列侯之國遂免丞相勃遣就國

景帝後二年省列侯就國

先公曰初封列侯猶有君國子民之意故文帝遣列侯就國之詔謂其居長安無繇教訓其民也景帝既不令諸侯王治事故亦省徹侯之國蓋事權皆在其相所謂侯國者與郡邑無異矣

按文帝二年詔列侯就國而多辭未行三年乃免絳侯相印令率列侯就國是強之使行也絳侯既

就國每河東守尉行縣至絳勃自畏恐誅常被甲
令家人持兵以見人遂言其欲反夫既曰畏罪恐
誅而乃被甲持兵以待守尉欲何為邪勃不學無
術不能處功名之際而徒以來讒賊之口倘非遇
孝文長者則不能全之矣然即此可以見當時功
臣侯之就國者憂讒畏譏不能不見陵於守尉方
其身都將相則聲勢赫奕與人主朋儔及其退就
國邑則心懷畏懼視守尉如官長蓋封爵之寵同
乎黜徙迫之乃行與古人建侯之意異矣

武帝元鼎五年列侯坐獻黃金酎祭宗廟不如法奪爵

者百六人丞相趙周下獄死

服虔曰因八月獻酎祭宗廟時使諸侯各獻金助祭

也如淳曰漢儀注諸侯王歲獻戶口酎金於漢廟皇帝臨受獻金金少不如斤兩色惡王削縣侯免國臣瓚曰食貨志南越反時卜式上書願死之天子下詔褒揚布告天下天下莫應列侯以百數莫求從軍至酎飲酒少府省金而列侯坐酎金失侯者百餘人而表云趙周坐為丞相知列侯耐金輕下獄自殺然則知其輕而不糾摘之也師古曰耐三重釀醇酒也

容齋洪氏隨筆曰漢自武帝以後丞相無爵者乃

封侯其次雖御史大夫亦不以爵封為間唯太常

一卿必以見侯居之而職典宗廟園陵動輒得咎

由元狩以降以罪廢斥者二十人意武帝陰欲損

侯國故使居是官以困之爾表中所載鄼侯蕭壽

成坐犧牲瘦蓼侯孔臧坐衣冠道橋壞鄆侯周仲
居坐不收赤側錢繩侯周平坐不繕園屋睢陵侯
張昌坐乏祠陽平侯杜相坐擅役鄭舞人廣阿侯
任越人坐廟酒酸江鄒侯靳石坐離宮道橋苦惡
戚侯李信成坐縱丞相侵神道俞侯樂賁坐雍犧
牲不如令山陽侯張當居坐擇博士弟子不以實
成安侯韓延年坐留外國文書新時侯趙弟坐鞠
獄不實牧邱侯石德坐廟牲瘦當塗侯魏不害坐
孝文廟風發瓦輟侯江德坐廟郎夜飲失火蒲侯
蘇昌坐泄官書弋陽侯任宮坐人盜茂陵園物建

平侯杜緩坐盜賊多自鄼侯至牧邱十四侯皆奪
國武帝時也自當塗至建平五侯但免官昭宣時
也下及晉世此風猶存惠帝元康四年大風廟闕
屋瓦有數枚傾落免太常荀寓五年大風蘭臺主
者求索阿棟之間得瓦小邪十五處遂禁止太常
復興刑獄陵上荆一枝圍七寸二分者被斫司徒
太常犇走道路太常禁止不解蓋循習漢事云
按漢之所謂封建本非有公天下之心故其予之
甚艱而奪之每亟至孝武之時侯者雖衆率是不
旋踵而褫爵奪地方其外事四夷則上遵高帝非

功不侯之制於是以前有功侯者七十五人然終帝之世失侯者已六十八人其能保者七人而已及其外削諸侯則采賈誼各受其祖之分地之說於是以前王子侯者一百七十五人然終帝之世失侯者已一百一十三人其能保者五十七人而已外戚恩澤侯者九人然終帝之世失侯者已六人其能保者三人而已功臣外戚恩澤之失侯也諉曰予奪自我王子之失侯則是姑假推恩之名以析之而苛立黜爵之罰以奪之與賈誼所謂一寸之地一人之衆無所利焉者異矣禁網旣苛動輒得

咎而坐宗廟酎金失侯者尤衆食貨志言帝因卜式上書願輸財助邊下詔褒美以諷天下而莫有應者於是列侯坐酎金失侯者百餘人蓋當時國計不給方事誅求雖庶人之多貲者亦必立告緡之酷法以取之宜其不容列侯坐享封君之富也宣帝元康四年上令有司求高祖功臣子孫失侯者得槐里公乘周廣漢等百三十六人皆賜黃金二十斤復其家令奉祭祀世世勿絕

按高帝功臣至武帝時失侯者衆至是方訪求其後而褒錫之然纔得復除租役免同編氓而已孝

惠而後侯而失爵者則不復省錄矣

班固功臣侯表序曰自古帝王之興曷嘗不建輔

弼之臣所與共成天功者乎師古曰天功天下之功業也虞書舜典曰

欽哉惟時亮天功也漢興自秦二世元年之秋楚陳之歲師古

曰謂陳涉自稱楚王之時也初以沛公總帥雄俊三年然後西

滅秦立漢王之號五年東克項羽即皇帝位八載

而天下乃平始論功而定封訖十二年侯者百四

十有三人時大城名都民人散亡戶口可得而數

裁什二三師古曰裁與纜同十分之內纜有二三也是以大侯不過萬

家小者五六百戶封爵之誓曰使黃河如帶泰山

若厲國以永存爰及苗裔應劭曰封爵之誓國家

帶衣帶也厲砥礪石也河當何時如衣帶山當何時如礪石言如帶礪國猶永存以及後世之子孫

也於是申以丹書之信重以白馬之盟師古曰丹

紀白馬之盟謂刑白馬又作十八侯之位孟康曰

馬軟其血以為盟也又作十八侯之位孟康曰

功蕭曹等十八人位次耳高后乃詔作位次下竟

師古曰謂蕭何曹參張敖周勃樊噲酈商奚涓夏

侯嬰灌嬰傅寬靳歙王陵陳武王吸薛高后二年

復詔丞相陳平盡差列侯之功錄第下竟藏諸宗

廟副在有司師古曰副貳也其列侯功籍已始未

嘗不欲固根本而枝葉稍落也故逮文景四五世

乾隆十二年校刊

之狀通考卷之三 封建八

四

國自倍

師古曰自倍者謂舊五百戶今者至千也曹參初封萬六百戶至後嗣侯宗免時有

戶二萬三千是為戶口

蕃息故也他皆類此

富厚如之

師古曰言其貴時亦稍富厚各

如戶口

子孫驕逸忘其先祖之艱難多陷法禁隕

命亡國或云子孫訖於孝武後元之年靡有子遺

耗矣

師古曰子然獨立貌言無有獨存者至於耗盡也

罔亦少密焉故孝

宣皇帝愍而錄之乃開廟藏覽舊籍詔令有司求

其子孫或出庸保之中

師古曰庸賣功庸也保並可安信也皆賃作者也

受復除或加以金帛用章中興之德降及孝成復

加恤問稍益衰微不絕如綫善乎杜業之納說也

曰昔唐以萬國致時雍之政虞夏以之多羣后享

共已之治

師古曰羣后謂諸侯也恭已無為也

湯法三聖殷氏太平

周封八百重譯來賀是以內恕之君樂繼絕世隆

名之主安立亡國

師古曰以立亡國之後為安泰也

至於不及下

車德念深矣

張晏曰謂武王入殷未及下車封成黃帝之後於薊虞舜之後於陳也

王察牧野之克顧羣后之勤知其恩結於民心功

光於王府也故追求先父之志錄遺老之策高其

位大其寓

師古曰寓謂啟土所居也

愛敬飭盡命賜備厚

師古曰飭

謹也大孝之隆於是為至至其沒也世主歎其功無

民而不思所息之樹且猶不伐

師古曰謂召伯止於甘棠之下而聽

訟人思其德不伐其樹

况其廟乎是以燕齊之祀

與周並傳子繼弟及歷載不墮豈無刑辟繇祖之

竭力故支庶賴焉師古曰言國家非無刑辟而功臣子孫得不陷師嘉而能長常有嗣續也繇讀與由同迹漢功臣亦皆割符世爵

受山河之誓存以著其號亡以顯其魂賞亦不細

矣百餘年間而襲封者盡或絕失姓或乏無主朽

骨孤於墓苗裔流於道生為愍隸死為轉屍以往

况今甚可悲傷聖朝憐閔詔求其後四方忻忻靡

不歸心出入數年而不省察恐議者不思大義設

言虛亡則厚德掩息遶東布章晉灼曰許慎云遶難行也東古簡字

也簡少也言今難行封則得繼絕者少若然非所

此必布聞彰於天下也師古曰遶讀與吝同

以視化勸後也三人為眾雖難盡繼宜從尤功孟康

曰言人三為眾雖難盡繼取其功尤高者一人繼之於名為眾矣服虔曰尤功封重者一人也於

是成帝復紹蕭何哀平之世增修曹參周勃之屬

得其宜矣以綴續前記究其本末并序位次盡於

孝文以昭元功之侯籍云

外戚恩澤侯表序曰孝武時元功宿將略盡會上

亦興文學進拔幽隱公孫弘自海瀕而登宰相於

是寵以列侯之爵又疇咨前代詢問耆老初得周

後復加爵邑自是之後宰相畢侯矣元成之際晚

得殷世以備賓位漢興外戚與定天下侯者二人

服虔曰呂后兄周呂侯澤建成侯釋故誓曰非劉

之師古曰與讀曰豫言豫其功也

氏不王若有亡功非上所置而侯者天下共誅之

是以高后欲王諸呂王陵廷爭孝景將侯王氏脩

侯犯色師古曰脩音條卒用廢黜是後薄昭竇嬰上官衛

霍之侯以功受爵其餘后父據春秋褒紀之義應劭

曰春秋天子將納后於紀紀本子爵也故先褒為侯言王者不取於小國帝舅緣大雅

申伯之意應劭曰申伯周宣王元舅也為邑於謝後世欲光寵外親者緣申伯之恩援此

義以為寢廣博矣是以別而叙之

按班孟堅述西都列侯除王子之外以功臣為一

表外戚恩澤為一表蓋功臣者以勲績顯著而得

之者也外戚恩澤者以遭逢忝竊而得之者也然

裔夷之降虜有何勲庸乃儕之功臣宰相而封侯

未為恩倖乃儕之恩澤又博陸之定大策輔幼主

長平冠軍之征匈奴取朔方破祁連其殊勲偉績

本不緣椒房至李貳師則祇緣女寵以進伐大宛

得名馬之事又不足言且不能終守臣節今列貳

師於功臣列博陸長平冠軍於外戚抑揚之意殊

所未喻

容齋洪氏隨筆曰周之初諸侯千八百國至赧王

之亡所存者才八國耳七戰國與衛也然趙韓魏

分晉而立齊田氏代姜而興其有土各不及二百年俱非舊邦秦始皇乃呂氏子楚幽王乃黃氏子所謂羸芊之先當不歆非類然則惟燕衛二姬姓存而衛至胡亥世乃絕若以爲召公康叔之德則周公豈不及乎漢列侯八百餘人及光武而存者平陽建平富平三侯耳建平以先降梁王永奪國平陽爲曹參之後富平爲張安世之後參猶有創業之功若安世則湯子也史稱其推賢揚善固宜有後然輕重其心殺人則多矣獨無餘殃乎漢侯之在王莽朝皆不奪國光武乃但許宗室復故餘

皆除之雖鄴侯亦不紹封不知曹張兩侯何以能獨全也

文獻通考卷第二百六十七

文獻通考卷第二百六十八

鄱陽馬端臨貴與著

封建考九

後漢王侯

更始二年既誅王莽遷都長安李崧趙萌說更始宜悉
王諸功臣朱鮪爭之以爲高祖約非劉氏不王更始乃
先封諸宗室祉爲定陶王慶爲燕王歙爲元氏王嘉爲
漢中王賜爲宛王信爲汝陰王然後立王匡爲泚陽王
王鳳爲宣城王朱鮪爲膠東王王常爲鄧王申屠建爲
平氏王陳牧爲陰平王衛尉大將軍張卬爲淮陽王執

金吾大將軍廖湛爲穰王尚書胡殷爲隨王柱天大將軍李通爲西平王五威中郎將李軼爲舞陰王水衡大將軍成丹爲襄邑王驃騎大將軍宋佻爲潁陰王尹尊爲鄆王唯朱鮪辭不受

定陶王祉光武族兄春陵康侯敞之子漢兵起祉兄弟相率從軍更始立以祉爲太常將軍紹封春陵侯入關封定陶王建武二年改封城陽王十一年薨謚恭王子平爲蔡陽侯奉祉祀 眞 禹 嘉
燕王慶春陵侯敞同產弟更始入關封燕王更始敗爲亂兵所殺子順歸光武封成武侯十一年卒 遵 弇

亡嗣國除

元氏王歙光武族父更始入關封元氏王爲侍中更始敗歸洛陽建武二年改封歙爲泗水王十年薨子終封淄川王薨子柱爲卽侯奉終祀 鳳終別封曲陽侯

漢中王嘉光武族兄春陵侯敞同產弟漢兵起從軍破宛奉興德侯入長安爲漢中王鄧禹西征嘉自歸到洛陽從征伐後封順陽侯十五年卒子參嗣 循 章

宛王賜光武族兄蒼梧太守利之孫伯升起兵隨衆攻諸縣更始立以爲光祿勳代伯升爲大司徒都長安封宛王光武卽位歸洛陽建武二年封慎侯十三年更戶

邑爲安成侯二十八年卒子閔嗣 商 昌
汝陰王信賜之兄子從伯升起兵更始卽位爲奮威大將軍入長安封爲汝陰王將兵平定江南據豫章光武卽位詣洛陽封爲汝陰侯永平十三年坐楚王英事國除

王匡新市人王莽末南方饑饉人庶入野澤掘鳧苽而食之更相侵奪匡與王鳳爲平理爭訟遂推爲渠帥衆數百人藏於綠林中號新市兵更始立以匡爲定國上公遣攻洛陽拔之更始入長安封爲泚陽王匡與張卬橫暴三輔所授官爵皆羣小賈豎關中離心與張卬守

河東爲鄧禹所破後叛更始降赤眉

王鳳新市人與王匡共起綠林中更始立以鳳爲成國上公入長安封爲宣城王

朱鮪新市人王莽地皇三年與王匡等起兵北入南陽號新市兵皆自稱將軍更始立以鮪爲大司馬入長安封爲膠東王鮪以爲非劉宗不受封乃徙爲左大司馬與李通王常等鎮撫關東光武卽位鮪以伯升被害時預其謀又諫更始無遣蕭王北征遂堅守洛陽不敢降帝令岑彭說之鮪乃降拜平狄將軍封扶溝侯後爲少府傳封累世

王常潁川舞陽人王莽末與王鳳等起兵入南郡號下江兵時漢兵敗新市平林兵各欲解去伯升乃造下江壁說常以合從之利常卽率諸將引兵與漢兵合遂破殺莽將更始立以常爲廷尉大將軍入昆陽與光武共破尋邑都長安封爲鄧王更始敗常自歸於光武封山桑侯遷爲漢忠將軍後拜常爲橫野大將軍位次與諸將絕席十二年薨諡節侯子廣嗣徙封石城侯後坐楚王事國除

申屠建不知何許人漢兵起更始立爲西屏大將軍將兵攻武關莽旣誅自長安奉迎遷都封爲平氏王赤眉

西入關更始遣兵拒之師敗張卬廖湛等與建謀共劫更始掠城中東歸南陽謀泄爲更始所殺

陳牧平林人王莽地皇三年與廖湛聚衆數千人號平林兵劉聖公因往從牧等爲其軍安集掾光武及伯升亦起春陵與諸部合兵而進更始卽位以牧爲大司空入長安封爲陰平王赤眉西入關立劉盆子更始使牧與王匡等屯新豐拒之張卬申屠建等謀劫更始東奔事覺更始殺建卬遂勒兵攻更始更始兵敗奔新豐疑匡牧等與卬同謀乃收斬之

張卬新市人地皇三年與王匡朱鮪等共起兵號新市

兵自稱將軍後屬漢兵更始卽位以卬爲衛尉大將軍入長安封淮陽王與王匡等輔政橫暴三輔所授官爵皆羣小賈豎四方怨叛赤眉西入關卬與王匡守河東爲鄧禹所破還奔長安欲掠城中轉攻所在東歸南陽復爲羣盜更始不從卬等謀劫更始謀泄遂勒兵掠東西市戰於宮中更始大敗赤眉至高陵匡卬迎降之更始降赤眉卬與謝祿謀縊更始殺之

廖湛平林人下江新市兵起湛與陳牧聚衆千餘人號平林兵以應之聖公爲其軍安集掾聖公立拜湛爲執金吾大將軍入長安封爲穰王及赤眉西入關王匡張卬謀東奔申屠建及湛以爲然入說更始不從乃謀劫更始成前計事覺遂勒兵掠東西市更始與戰大敗後與王匡等同降赤眉爲赤眉將兵攻順陽侯嘉兵敗爲嘉所殺

胡殷不知何許人更始卽位以爲尙書入長安封隨王赤眉西入關更始兵敗王匡張卬等欲勒兵掠城中以自富東歸南陽更始不從卬乃與殷等謀欲劫更始謀泄卬殷等遂勒兵掠東西市更始與戰大敗後與王匡等降赤眉

李通南陽宛人王莽時爲五威將軍從事不樂爲吏自

免歸下江新市兵起通陳讖文勸光武起兵更始立以
通爲柱國大將軍輔漢侯至長安封西平王持節還鎮
荊州光武卽位徵爲衛尉建武二年封固始侯拜大司
空十八年卒諡恭侯子音嗣 定 黃 壽
李軼南陽宛人通之從弟與通共謀起兵更始立軼爲
五威中郎將入長安封舞陰王後與朱鮪共守洛陽爲
鮪所殺

成丹不知何許人亡命綠林中聚衆至七八千人號下
江兵後從漢軍更始立以爲水衡大將軍入長安封襄
邑王赤眉西入關立劉盆子更始遣丹與王匡等屯新

豐以拒之後爲更始所殺

尹尊不知何許人更始封爲鄆王光武時據地最强帝
使執金吾賈復擊降之

宋佻

事跡首尾
史所不載

宗姓王 王子侯附

齊武王縯光武長兄與光武共起兵更始卽位爲大司
徒更始忌而殺之光武建武二年立縯長子章爲太原
王十一年徙爲齊王二十一年薨諡曰哀王

殤王石 晃坐罪貶蕪湖侯 無忌石子復封齊王

喜 承建安十一年國除

乾隆十二年校刊

七代皇親國戚
封建九

卷之三

五

魯王興齊武王次子建武二年封嗣光武兄仲後後徙
為北海王立三十九年薨謚靖王子敬王睦 哀王基

威坐罪死 頃王普 恭王翼 康王亡後

下博侯張齊武王孫殤王石弟建武三十年封 他人

臨邑侯復北海靖王子建武三十年封 駒駘

趙孝王良光武叔父更始立以良為國三老更始敗亡

奔洛陽建武二年封廣陽王五年徙趙王十三年降為

趙公立十六年薨子節王栩 頃王商 靖王宏 惠

王乾 懷王豫 獻王赦 珪魏受禪降為崇德侯

城陽恭王祉 泗水王歙 安成孝侯賜 順陽懷侯

嘉 成武孝侯順 事跡並見更始所封諸王下

高鄉侯堅城陽恭王子建武十三年封

中山王茂歙從父弟王莽末起兵後降光武封中山王

十三年以疏屬降為穰侯

宜春侯匡茂弟亦起兵附漢建武二年封 浮 護

瓌坐罪貶為亭侯

白牛侯嵩安成孝侯賜之子建武三十年封後坐楚事

國除

甘里侯閔弋陽侯國成武孝侯順叔父弘之子建武二

年封

黃季侯膺順陽侯嘉之子建武十三年封

襄邑侯劉求更始長子更始降赤眉為謝祿所殺明年

求兄弟與母詣洛陽帝封求為襄邑侯奉更始祀後徙

封成陽侯卒子巡嗣復徙封灌澤侯 姚

穀孰侯歆 壽光侯鯉俱更始子求弟與求同時封

建武二年詔曰惟宗室列侯為王莽所廢先靈無所依

歸朕愍之其並復故國若侯身已歿屬所上其子孫見

名尚書封拜

十三年詔曰長沙王興真定王得河間王邵中山王茂

皆襲爵為王不應經義其以興為臨湘侯得為真定侯

邵為樂成侯茂為單父侯其宗室及絕國封侯者凡一

百三十七人降趙王良為趙公太原王章為齊公魯王

興為魯公長沙王興河間王邵事跡首尾史不載餘並見前

右光武時封宗室王侯

東海恭王彊建武二年立為皇太子十七年母郭后廢

疆陳懇誠願備蕃國十九年封為東海王二十八年就

國帝以疆廢不以過去就有禮故優以大封兼食魯郡

合二十九縣都魯立十八年薨子靖王政嗣立四十四

年薨子頃王肅嗣立二十三年薨子孝王臻嗣立三十

一年薨子懿王祗嗣立四十四年薨子羨嗣二十年魏

受禪以爲崇德侯

永元十六年封頃王肅弟二十一人皆爲列侯 永建二年封孝王臻二弟敏儉爲鄉侯 初平四年封懿王祇子琬爲汝陽侯

沛獻王輔建武十五年封右馮翊公十七年郭后廢爲中山太后故徙輔爲中山王并食常山郡二十年徙封沛王二十八年就國立四十六年薨子釐王定嗣立十一年薨子節王正嗣立十四年薨子孝王廣嗣立三十五年薨子幽王榮嗣立二十年薨子孝王琮嗣薨子恭王曜嗣薨子契嗣魏受禪廢爲侯

中元二年封獻王輔子寶爲沛侯 永平元年封寶弟嘉爲僮侯 元和二年封釐王定弟十二人爲鄉侯 元興元年封節王正弟二人爲縣侯

楚王英以建武十五年封爲楚公十七年進爵爲王二十八年就國英母許氏無寵故英國最貧小三十年以臨淮之取慮須昌二縣益楚國十二年坐交方士造作圖書有逆謀廢徙丹陽自殺立三十三年國除建初元年封英子楚侯种五弟皆爲列侯並不得置相臣吏人种後徙封陸侯子度 拘

濟南安王康建武十五年封濟南公十七年爲王二十

八年就國三十年以祝阿安德朝陽平昌隰陰重邱六縣益濟南國立五十九年薨子簡王錯嗣立六年薨子孝王香嗣立二十年薨無子國絕

永建元年順帝立錯子阜陽侯顯爲嗣是爲釐王立三年薨子悼王廣嗣立二十五年薨無子國除

中元二年封安王康子德爲東武城侯 永元十一年封簡王錯弟七人爲列侯 永初二年封孝王香弟四人爲列侯香又上書分爵土封叔父篤子丸西平昌侯昱子嵩皆爲列侯

東平憲王蒼建武十五年封東平公十七年進爲王顯宗卽位拜爲驃騎將軍置長史掾史員四十人位在三公上以東郡之壽張須昌山陽之南平陽橐湖陵五縣益東平國立四十五年薨子懷王忠嗣明年帝乃分東平國封忠弟讓爲任城王餘五人爲列侯忠立十一年薨子孝王敞嗣立四十八年薨子頃王端嗣立四十七年薨子凱嗣立四十一年魏受禪降爲侯

永平二年封憲王蒼子二人爲縣侯十一年賜蒼列侯印十九枚諸王子年五歲已上能趨拜者令帶之 永元十年封蒼孫梁爲矜陽亭侯敞弟六人爲列侯 永寧元年封蒼孫二人爲亭侯

任城孝王尚東平憲王蒼之子懷王忠之弟元和元年封食任城亢父樊三縣立十八年薨子貞王安嗣立十九年薨子節王崇嗣立三十一年薨無子國絕延熹元年桓帝立河間孝王子恭爲參戶亭侯博爲任城王以奉其祀立十三年薨無子國絕熹平四年靈帝復立河間貞王遜新昌侯子沱爲任城王奉孝王後立四十六年魏受禪廢爲侯

永元十四年封孝王尚子福爲桃鄉侯亢爲當塗鄉侯

阜陵質王延建武十五年封淮陽公十七年進爵爲王

二十八年就國三十年以汝南之長平西華新陽扶樂四縣益淮陽國後坐罪徙爲阜陵王立五十一年薨子殤王冲嗣二年薨無嗣和帝復封冲兄魴是爲頃王立三十年薨子懷王恢嗣立十年薨子節王代嗣立十四年薨無子國絕桓帝立勃道亭侯便親爲恢嗣是爲恭王立十三年薨子孝王統嗣立八年薨王子赦立建安中薨無子國除

永元八年封頃王魴弟十二人爲鄉亭侯 延光三年封懷王恢兄弟五人爲鄉亭侯

廣陵思王荆建武十五年封山陽公十七年進爵爲王

立二十九年坐使巫祭祀祝詛自殺十四年封荆子元壽爲廣陵侯又封元壽弟三人爲鄉侯元壽卒子商嗣商卒子條嗣

臨淮懷公衡建武十五年立未及進爵爲王而薨無子國除

中山簡王焉建武十五年封左馮翊公十七年進爵爲王三十年徙封中山王立五十二年薨子夷王憲嗣立二十一年薨子孝王弘嗣立二十八年薨子穆王暢嗣立三十四年薨子節王稚嗣無子國除

永元四年封夷王憲弟列侯十一人永寧二年封

孝王弘二弟爲亭侯 永和六年封穆王暢弟荆爲南鄉侯

瑯琊孝王京建武十五年封瑯琊公十七年進爵爲王永平二年以泰山之蓋南武陽華東萊之昌陽盧鄉東牟六縣益瑯琊立三十一年薨子夷王宇嗣立二十年薨子恭王壽嗣立十七年薨子貞王尊嗣立十八年薨子安王據嗣立四十七年薨子順王容嗣立八年薨子熙嗣在位十一年建安時坐謀欲過江被誅

建初七年封夷王宇弟十三人爲列侯 永初元年封恭王壽弟八人爲列侯 延光元年封貞王尊弟

四人爲鄉侯 永和五年封安王據弟三人爲鄉侯
右光武子十一王

千乘哀王建永平三年封明年薨年少無子國除

陳敬王羨永平三年封廣平王七年徙爲西平王肅宗
崩遺詔徙爲陳王食淮陽郡立三十七年薨子思王鈞
嗣立二十一年薨子懷王竦嗣立二年薨無子永寧元
年立敬王子安壽亭侯崇爲陳王是爲頃王立五年薨
子孝王承嗣薨子愍王寵嗣後爲袁術殺其國相駱俊
陳由此敗

永元十二年封思王鈞六弟爲列侯 永初七年封

敬王孫安國爲耕亭侯

彭城靖王恭永平九年賜號靈壽王取其美名十五年

封爲鉅鹿王建初三年徙封江陵王改南郡爲國元和

二年徙爲六安王以廬江郡爲國肅宗崩遺詔徙封彭
城王食楚郡立四十六年薨子考王道嗣立二十八年
薨子頃王定嗣立四年薨子孝王和嗣立六十四年薨
孫祇嗣七年魏受禪降爲侯

永初六年封靖王恭子阿奴爲竹邑侯 元初五年
封考王道弟三人爲鄉侯 本初元年封定兄弟九
人皆爲亭侯

樂成靖王黨永平九年賜號重熹王十五年封樂成王
建初四年以清河之游觀津渤海之東光成平涿郡之
中水饒陽安平南深澤八縣益樂成國立二十五年薨
子哀王崇嗣立二月薨無子明年和帝立崇兄修侯巡
爲樂成王是爲釐王立十五年薨子隱王賓嗣立八年
薨無子明年立濟北惠王子萇爲樂成王後坐罪貶臨
湖侯延光元年以河間孝王子得嗣靖王後以樂成比
廢絕故改國曰安平孝王立三十年薨子續嗣立三十
四年坐不道誅國除
下邳惠王衍永平十五年封四年以臨淮郡及九江之

鍾離當塗東城歷陽全椒合十七縣益下邳國立五十
四年薨子貞王成嗣立二年薨子愍王意嗣立五十七
年薨子哀王宜嗣薨無子國除

永建元年封貞王成兄二人及惠王孫二人皆爲列
侯 陽嘉元年封愍王意弟八人爲鄉亭侯

梁節王暢永平十五年封爲汝南王建初四年徙爲梁
王以陳留之鄆寧陵濟之薄單父猗氏成武凡六縣益
梁國立二十七年薨子恭王堅嗣立二十六年薨子懷
王匡嗣立十一年薨無子順帝封匡弟孝陽亭侯成爲
梁王是爲夷王立二十九年薨子敬王元嗣立十六年

薨子彌嗣立四十年魏受禪降爲侯

永元十六年封恭王堅弟二人爲鄉侯

淮陽頃王昞永平五年封常山王建初四年徙爲淮陽王以汝南之新安西華益淮陽國立十六年薨子殤王側嗣立十三年薨無子立兄防子侯章爲常山王立二十五年薨是爲靖王子頃王儀嗣立十七年薨子節王豹嗣立八年薨子暲嗣三十二年遭黃巾賊棄國走建安十一年國除

永建二年封頃王儀兄二人爲亭侯 永嘉元年封

節王豹兄四人爲亭侯

濟陰悼王長永平十五年封建初四年以東郡之離狐陳留之長垣益濟陰國立十三年薨於京師無子國除
右孝明子八王

千乘貞王伉建初四年封立十五年薨子寵嗣永元七年改國名樂安立二十八年薨是爲夷王子鴻嗣鴻生質帝梁太后詔以樂安國土卑濕租委鮮薄改鴻封渤海王立二十六年薨是爲孝王無子太后立桓帝弟蠡吾侯悝爲渤海王奉鴻嗣立二十五年爲王甫誣以大逆自殺國除

平春悼王全以建初四年封其年薨葬京師無子國除

清河孝王慶建初四年立爲皇太子後廢爲清河王立
二十五年薨長子祐嗣殤帝是爲安帝鄧太后崩安帝
乃上慶尊號曰孝德皇子愍王虎威嗣立三年薨無子
鄧太后立樂安王寵子延平爲清河王是爲恭王立三
十五年薨子蒜質帝崩太尉李固等議徵立之梁冀及
曹騰等不從遂立桓帝甘陵人劉文等謀立蒜事覺坐
奪爵自殺國除明年立安平孝王子經爲甘陵王奉孝
德皇祀是爲威王立二十五年薨子貞王定嗣立四年
薨子獻王忠嗣立十三年薨嗣子爲黃巾所害無後國
除

永初元年封孝王慶少子常保爲廣川王

濟北惠王壽以永元二年封分太山郡爲國立三十一
年薨子節王登嗣立十五年薨子哀王多嗣立三年薨
無子立戰鄉侯安國爲濟北王是爲釐王立十年薨子
孝王次嗣立七年薨子鸞嗣薨子政嗣薨無子國除
永寧元年封節王登弟五人爲鄉侯 本初元年封
孝王次弟猛爲亭侯

河間孝王開以永元二年封分樂成渤海涿郡爲國立
四十二年薨子惠王政嗣立十年薨子貞王建嗣立十
年薨子安王利嗣立二十八年薨子陔嗣立四十一年

魏受禪爲侯

陽嘉三年封惠王政弟十三人爲亭侯

蠡吾侯翼河間孝王開子元初六年鄧太后徵濟北河間王諸子詣京師以翼爲平原懷王後懷王勝和帝子後爲王聖江京等所譖貶爲都鄉侯父開上書願分蠡吾縣以封翼順帝從之翼卒子志嗣爲大將軍梁冀所立是爲桓帝梁太后詔追尊河間孝王爲孝穆皇蠡吾先侯曰孝崇皇皆立陵廟置令丞更封帝兄都鄉侯碩爲平原王留博陵奉翼後建安十一年國除解瀆亭侯淑以河間孝王子封淑卒子長嗣長卒子宏

嗣爲大將軍竇武所立是爲靈帝追尊皇祖淑爲孝元皇皇考長爲孝仁皇立陵廟置令丞拜河間安王利子康爲濟南王奉孝仁皇祀康薨子贊嗣贊薨子開嗣立十三年魏受禪降爲侯

城陽懷王淑以永元二年分濟陰爲國立五年薨於京師無子國除

廣宗殤王萬歲以永元五年封分鉅鹿爲國其年薨無子國除

右孝章子七王

平原懷王勝和帝長子少有痼疾延平元年封立八年

文獻通考卷之九
薨葬於京師無子鄧太后立樂安夷王寵子得爲平原王奉勝後是爲哀王立六年薨無子太后又立河間王開子都鄉侯翼爲平原王嗣安帝廢之國除

右孝和子一王

按范蔚宗東漢書敘諸王止於和帝蓋自孝和以後殤冲質三帝皆早世安順桓三帝皆無子惟靈帝二子皇子辯陳留王協辯嗣位爲董卓廢而殺之立協是爲獻帝獻帝六子其二爲曹操所殺建安十七年封熙爲濟陰王懿爲山陽王邈爲濟北王敦爲東海王然其是時政在曹氏天下三分雖有

封爵之名而實無所謂土地租食矣旣封後九年魏始受禪四王皆降爲列侯云

世祖初大司馬吳漢請封皇子不許重奏連歲建武五年三月乃詔令羣臣議大司空融固始侯通膠東侯復高密侯禹太常登等奏議曰古者封建諸侯以藩屏京師周封八百同姓諸姬並爲建國夾輔王室尊事天子享國永長爲後世法故詩云大啟爾宇爲周室輔高祖聖德光有天下亦務親封立兄弟諸子不違舊章陛下德橫天地興復宗統褒德賞勲親睦九族功臣宗室咸蒙封爵多受廣地或連屬縣今皇子賴天能勝衣趨拜

陛下恭謙克遜抑而未議羣臣百姓莫不失望宜因盛
吉時定號位以廣藩輔明親親尊宗廟重社稷應古合
舊厭塞衆心臣請大司空上輿地圖太常擇吉日具禮
儀制曰可夏四月戊申以太牢告祀宗廟丁巳使大司
空融告廟封皇子輔爲右翊公英爲楚公陽爲東海公
康爲濟南公蒼爲東平公延爲淮陽公荆爲山陽公衡
爲臨淮公焉爲左翊公京爲瑯琊公

按秦罷侯置守曾不數年始皇死而羣雄蠡起六
國之裔與其強宗大槩皆逐秦守宰而自王故地
秦亡之後項羽主約霸天下然所建置諸侯亦多

是已自王之人及漢東出并三秦討項羽劉項之
勢旣分而諸侯多附漢其中立懷兩端者皆爲漢
所擊滅如趙歇魏豹田橫之類是也旣滅項氏之
後羽所建諸侯其存者惟共敖臧荼然亦不旋踵
而俘之然後裂土以封韓彭英盧張耳韓信吳芮
之徒蓋自是非漢之功臣不得王矣逮數年之後
反者九起異姓諸侯王多已夷滅於是悉取其地
以王子弟親屬如荆吳齊楚淮南之類蓋自是非
漢之同姓不得王矣然一再傳而後賈誼鼂錯之
徒拳拳有諸侯强大之慮蓋以爲親者無分地而

疏者偏天子必爲子孫之憂於是或分其國或削其地其負強而動者則六師夷之蓋西漢之封建其初也則勦滅異代所建而以畀其功臣繼而勦滅異姓諸侯而以畀其同宗又繼而勦滅疏屬劉氏王而以畀其子孫蓋檢制益密而猜防益深矣昔湯武雖以征伐取天下然商惟十一征周惟滅國者五十其餘諸侯則皆襲前代所封未聞盡以宇內易置而封其私人周雖大封同姓然文昭武穆之邦與國咸休亦未聞成康而後復畏文武之族偏而必欲夷滅之以建置己之子孫也愚嘗謂

必有公天下之心而後可以行封建自其出於公心則選賢與能而小大相維之勢足以綿千載自其出於私心則忌疎畏偏而上下相猜之形不能以一朝居矣景武而後令諸侯王不得治民補吏於是諸侯雖有君國子民之名不過食其邑入而已土地甲兵不可得而擅矣然則漢懲秦之弊復行封建然爲人上者苟慕美名而實無唐虞三代之公心爲諸侯者旣獲裂土則遽欲效春秋戰國之餘習故不久而遂廢蓋罷侯置守雖始於秦然諸侯王不得治民補吏則始於西都景武之時蓋

自是封建之名存而封建之實盡廢矣至東漢更始既入關雖盡王諸造謀復漢者然諸人雖有受封之名多聚處京師布列要職實未嘗有裂土建國南面稱孤之事光武既定天下至建武十五年方封諸皇子爲公十七年皇子之爲公者方進爵爲王徐徐如此未嘗有盡王子弟以鎮服天下之意蓋是時封建之實已亡尺土一民皆上自制之諸侯王不過食其邑入之租而於所謂藩維屏扞本無所預故亦不必急急然視爲一大事如周漢有天下之初也

明帝永平三年封皇子建爲千乘王羨爲廣平王十五年封皇子恭爲鉅鹿王黨爲樂成王衍爲下邳王暢爲汝南王昞爲常山王萇爲濟陰王初帝按地圖將封皇子悉半諸國明德馬后見而言之曰諸子食數縣於制不已儉乎帝曰我子豈宜與先帝子等乎歲給二千萬足矣

按前漢孝文之時梁懷王薨賈誼上疏拳拳以諸侯强大皇子單弱爲慮欲帝徙皇子大其封疆而帝從之後漢顯宗則謂我子豈宜與先帝子等於

是封皇子悉半光武所封諸王與孝文異意何也

蓋孝文之時分封之大小可以驗國勢之強弱顯宗之時分封之大小不過係租入之豐儉國勢則宗藩強而皇子弱殊非強幹弱支之遠慮租入則兄弟豐而諸子儉乃見先人後已之公心然亦可以知封建一事至東漢之初名存實亡故諸侯王土地之大小初無係於理亂安危之大勢矣

建初四年按輿地圖令諸國戶口皆等租入歲皆八千萬

東漢皇子封王其郡為國諸王受封者受茅土歸以立社胡廣曰諸侯受封皆受茅土歸立社稷本朝為宮室自有制度至於列侯歸國者不受茅土不立宮室各

隨其貧富而裁別 王國有傅如師不臣相秩二千石之庶以守其寵 乘車馬隨後所頓亭傳輒講經 內史如郡丞中尉郎中令 衛官如光祿勳 僕主車持書奉使至謁者禮樂長衛 士長醫工長丞巷長祠祀長郎中其紹封削黜者中尉 內史官屬隨亦率減

文獻通考卷第一百六十八



